









金石萃編卷四十五

賜進士出身 誥授光祿大夫刑部右侍郎加七級王昶撰

御史唐五

張琮碑

碑高七尺二寸三分廣三尺六寸三分三十行行六十字正書額題唐故□□光祿大夫張府君碑十二字篆書在咸陽縣雙照村

唐□□□光□□□□□□刺史上柱□□□□□□

光祿大夫□□□□□□庶子黎陽公子□□撰

夫□□□烝龍興□□□天立極夷難開口□□□多

士以經綸駕群雉以戡翦然則輕車飛將靡刺舉之方



擁節褰帷無折衝之略其能入陪乘石戎章肅於鈞陳  
出撫名藩文德被於江朮搃英謀以挺秀敷善政以遐  
征見之使君南安公矣君諱琮字文瑾武威姑臧人也  
夫運籌帷幄名曰三傑之先立効井陘功居八王之首  
屬金行不競寓縣分崩涼王建定亂之勲成割地之業  
洪源將導江而俱遠層構與干雲而共高龜組相暉青  
紫交映備在簡謀可略言焉曾祖誼魏驃騎將軍涼州  
刺史黃門侍郎散騎常侍武威郡公剖符作牧恩重璽  
書執戟從官榮隆夕拜祖嵩周驃騎將軍鄜城郡太守  
死王事贈上柱國瀛州摠管河北莊公分竹宰民化光

露冕臨難殞命節重結纓父辯隨上柱國使持節秦州  
諸軍事秦州摠管潭州摠管左武衛大將軍河北郡開  
國公建煥江表恩結湘流橫劔禁中聲高文陛惟公摠  
煙霞之秀氣秉川岳之淑精器寓深沉風調爽逸文口  
叶上將之略大樹表將軍之威幼挺縱橫綴幡爲戲少  
懷慷慨聚米成圖超武安以振威邁淮陰以賈勇加以  
琢磨道德黼藻仁義砥名勵行聞諸鄉黨資孝爲忠形  
乎家國少習文史尤工騎射沉沙滅竈旣練之於兵書  
持短入長亦精之於劔術公釋褐隨奮武尉于時東夷  
未賓阻遼水以爲固頻擾黃龍之戍丞侵蠶菟之城隨

金石志卷四十五  
一  
煬帝親馭貔貅以誅梟鏡公壯踰投石捷類舉旗命賞  
疇庸以居其畝特蒙標異授朝散大夫尋除新鄭縣令  
公濟以寬猛施以韋絃遂使單父興謠翟蒲息盜善政  
旣著俄遷潁川郡丞此乃魏室之舊都胡公之故國元  
冠成列朱輪接軼公綬之以淳化肅之以嚴威千里揚  
風百城仰德時屬隨人委馭海縣沸騰或裂壤而鳴張  
或分星而口視丹野塗地漂杵溺驂徒懷王允之心空  
軼賈生之笑旣而晉野降白雲之瑞秦川開赤玉之圖  
稷俛於是遷虞張陳所以歸漢  
高祖太武皇帝御

紫極而統天坐靈扈而則地文爲治本資德教以化民



武以除殘藉干戈以靜難擇賢分職量器授官除公驃  
騎將軍仍加上開府昔霍氏勲高沙塞任重中權黃君  
望亞鼎司寵光口府以今方古彼何足云尋改授左衛  
中郎將劉武周稱兵馬邑結援龍城挺禍汾陰連橫河  
曲今上龔行天口公陪從戎麾蒙授左三摠管公

智包三略勇冠六軍運奇謀以抗千里舞勁劍而摧八  
陣兇徒旣歿反旆還京除左衛長史其中郎將如故王  
世充早事隨口口以戎旃曾無勤王之心翻肆問鼎之  
志莽卓未足方其罪泥豷豈得比其辜遂使宗社淪胥  
懷生板蕩竇建德同惡相濟共爲犄角王師運九變之

謀揔□□之士風馳電掃拉朽摧枯公預官度之勲叅  
嶠陵之捷拔功追賞超絕等倫劉黑闥建德餘孽尚蓄  
狼心擁兵趙魏構難漳滏騁其豕突未革鴟音 □

口慕此一戎遂清九宇於是稽天息浸飛岳口塵飲至  
策勲蒙授上柱國封南安縣開國侯食邑七百戶又檢  
校叅旗軍副又檢校左領左右中郎將儲闡口口衛率  
近臣侍奉委之以正人爪牙寄之以心膂貞觀元年授  
太子左衛率又檢校右武衛將軍左領軍將軍四年蒙  
授雲麾將軍行左衛率如故於是警口口坊恪勤晨夕  
標羽儀於甲觀擅風流於望苑十年授銀青光祿大夫

行睦州刺史方當斑六條於勁越哥兩岐於全吳望俗  
變文身風移鑿齒紹還珠於□□追降鳳於穎川豈謂  
日□難翻閱川不息忽感何祗之夢遂同聲伯之悲貞  
觀十一年十二月之任在道寢疾薨於宋州館舍春秋  
五十有五痛結寮執□□行人孝行受名謚曰懿公禮  
也卽以十三年二月十一日遷厝於始平之原惟公德  
方琬禦照荆岫而騰暉材挺棟梁茂鄧林而聳幹破楚  
入郢之略平□□齊之謀彈壓六奇籠蓋十策陳力草  
昧之始立効雲雷之初功著升陲勲高戰牧執戟武帳  
八舍稟其軍容受律戎軒四按佇其神筭加以地居右

戚望□□卿帝鄉近親莫之比盛祖母李

景皇帝

之女贈信都郡大長公主母竇隨文帝之甥夫人長孫

文德皇后之姊尚主嬪王光華帝戚魚軒鶴□

□映濯龍未嘗富貴嬌人恒以盛滿爲戒方應驂八駿  
之駕高宴瑤池陪七佐之遊問道襄野豈謂九轉之方  
莫効十枝之景難留奄切頽山忽悲幽壤子□□子振  
等恐炎涼迭代星紀循環海變三山谷遷九地所以鑿  
□勒石播美騰芳警東都之前永識滕公之墓潼亭之  
側長標太尉之墳乃爲銘曰

□□茂緒眇眇長瀾七葉輔漢五世相韓績叅經啓業

預艱難代摠衡  
嬰世襲衣冠  
山瀆降靈煙  
霞誕祉比德

珪辟齊芳蘭

衡

升浮光照車  
蘊美縱橫韜  
略口口圖

史運屬交喪時逢  
七剝爭竊寶符  
競窺帝籙禮廢  
禮祀

口毀龜玉兇甚  
拔山暴踰比角  
天地初闢光華  
方旦破

袁奇策滅項神  
筭受脈除殘執  
柯靜難口口三  
傑績隣

十亂霧徹雲銷  
功成治定屢典  
交戟頻膺寵命  
裂壤恩

隆分麾禮盛儲  
坊述職江臯從  
政歲月易度生  
涯若浮

夕峰隱景夜壑  
遷舟鵬龍轉旆  
口口迴輶式鏤  
翠石永

樹芳猷

書甚剝泐其文爲  
于志寧所撰以前  
有黎陽公于四

字尚隱約可辨也額篆書文正書不知爲誰某矣中  
惟槩下改木從亏驕旁易馬爲女頗覺新異張琮字  
文瑾武威姑臧人除睦州刺史未到官而卒唐史有

傳

抱經堂  
文集

右陸州刺史張琮碑碑出於近時趙子函顧寧人二  
家於秦中石刻搜剔最夥亦未見斯碑也琮家世書  
顯姻連天家且有從征之功而姓名不載於新舊史  
非神道復出于千有餘年之後琮且泯沒以終古矣  
韓退之誌張季友墓云其上世有髡者當宇文時爲  
車騎大將軍鄜城太守卒葬河北諡曰忠公與碑所

稱官諡小異此碑時代尚近宜得其真隋書地理志  
上郡後魏置東秦州後改爲北華州西魏改爲敷州  
大業二年改爲鄜城郡今觀此碑則周時已有鄜城  
郡之名矣文云騁其豕突以騁爲騁以突爲突也云  
建德餘孽以孽爲孽也云哥兩岐于全吳以哥爲歌  
也云茂鄧林而聳幹以幹爲幹也云未嘗富貴嬌人  
以嬌爲驕也云高宴瑤池以宴爲宴也

潛研堂金  
石文跋尾

張琮碑子向未有拓本癸丑歲館東昌及門天津吳  
生仲蘭以所蓄善本請予書跋案琮新舊唐書俱不  
爲立傳其歷官始末見于碑者有曰左三總管其職

不見史志舊唐書尉遲敬德傳爲左一馬軍總管程  
知節傳領左一馬軍總管今此職豈與是相類與唐  
書兵志高祖初起開大將軍府以建成爲左領大都  
督領左三軍燧煌公爲右領大都督領右三軍左三  
總管殆隸于大都督爲其屬貳與碑稱王世充不避  
世字太宗本紀己巳令曰依禮二名不偏諱近代已  
來兩字兼避廢闕已多率意而行有違經典其官號  
名人公私文籍有世民兩字不連續者并不須諱然  
則初令之行當時遵奉見于碑者信可徵矣

授堂金  
石跋

按此碑首題僅存唐字光字刺史上柱字餘皆缺



泐文亦但稱君諱琮字文瑾武威姑臧人也不署  
姓某雍州金石記所見拓本有張府君碑字知其  
爲張琮也琮及其曾祖誼祖嵩父辯魏周隋書北  
史及兩唐書俱無傳不能詳攷祖母李景皇帝之  
女景皇帝者高祖之祖諱虎于太宗爲曾祖則其  
女爲太宗之祖姑也而追贈信都郡大長公主史  
亦不書琮以貞觀十一年薨年五十五則其生在  
隋開皇三年推其曾祖仕魏當在西魏朝以其官  
涼州刺史也祖仕周爲鄠城郡太守周紀戰伐只  
書東伐齊及宣政元年突厥入寇幽州事此外別

無用兵之時文稱祖暉死王事不知其死于何年  
之王事也父辯仕隨官潭州總管隋書地理志長  
沙郡舊置湘州平陳置潭州總管府大業初府廢  
隋文帝平陳在開皇九年則辯之仕隨在開皇九  
年以後大業以前也文稱公釋褐隨奮武尉于時  
東夷未賓阻遼爲固煬帝親馭貔貅以誅梟鏡煬  
帝紀載問罪遼左事在大業七年冬及八年春則  
琮時已三十歲矣文又有劉武周稱兵馬邑云云  
唐書高祖本紀平劉武周乃武德三年事平王世  
充等乃武德四年事唐書兵志武德初始置軍府

以驃騎車騎兩將軍府領之百官志親衛之府一  
曰親府勳衛之府二一日勳一府二曰勳二府翊  
衛之府二一日翊一府二曰翊二府凡五府每府  
中郎將一人正四品下此云左衛中郎將未知其  
爲勳府爲翊府抑勳府之一府二府翊府之一府  
二府也又左右驍衛上將軍左右武衛上將軍左  
右威衛上將軍左右領軍衛上將軍俱有左右翊  
中郎將府官同驍騎不知卽此左衛中郎將否也  
又左右衛有驍衛武衛威衛領軍衛之別各有長  
史一人此云除左衛長史不知其何衛也上柱國

勲視正一品開國縣侯爵從三品食邑當千戶開國縣伯則食邑七百戶此以縣侯而食邑同於縣伯何也雲麾將軍爲武階從三品銀青光祿大夫爲文階從三品蓋出爲刺史故改授文階而品則仍從三品睦州爲上州上州刺史本從三品然則上柱國之勲加于階一等也琮以貞觀十一年十二月薨于宋州館舍至十三年二月始遷厝始平之原是畱於宋州者一年餘矣始平縣名屬京兆郡後更名興平與咸陽爲隣然則今碑所在之咸陽雙照村在唐時屬始平縣也文於諱字上稱君

以下並稱公一文而君公互稱亦一例也碑書祖  
高官鄜城郡太守謚莊公莊當卽莊字之省似非  
壯字臬鏡卽臬獍通用字徒懷作徒懷別體字

姜行本碑

碑連額高七尺二寸廣三尺二寸十八  
行行四十七字文及額俱正書在哈密

大唐左屯衛將軍姜行本勒石口口文

昔凶奴不滅竇將軍勒燕山之功闔越未清馬伏波樹  
銅柱之迹然則振英風於絕域申壯節於異方莫不騰  
茂實於千秋播芳馥於萬古者矣  
大唐德合二儀

道高五帝握金鏡以朝萬國調玉燭以馭兆民濟濟衣

寇煌煌禮樂車書順軌扶桑之表俱同口化所沾濛汜  
之鄉成暨苑天山而池口海內北戶以靜幽都莫不解  
辮髮於藁街改左衽於夷口高昌國者乃是兩漢屯田  
之壁遺兵之所居翹文泰卽其苗裔也往因晉室多難  
群雄競馳中原之主邊隅遂隔閒屈口口口口口玉璽  
口至今靡口口口自 皇威遠被魯頌來庭雖沐仁

風情懷首鼠杜遠方之躋貢阻重譯之往來肆口狼之  
心起蜂蠆之口口口口衆庶賊殺無已 聖上愍彼蒼生  
申茲弔伐乃 詔使持節光祿大夫吏部尚書上柱國  
陳國公侯君集交河道行軍大總管副總管左屯衛大

將軍上柱國永安郡開國公薛萬均副總管左屯衛將  
軍上柱國通川縣開國男姜行本等爰整三軍襲行天  
罰口妖氛未殛將軍逞七縱之威百雉作固英奇由九  
攻之略以通川公深謀閒出妙思縱橫命口前軍聲造  
攻具乃統沙州剌史上柱國望都縣開國侯劉德敏右  
監門中郎將上柱國淮安縣開國公衡智錫左屯衛中  
郎將上柱國富陽縣開國伯屈昉左武侯郎將李海岸  
前開州剌史時德衡右監門府長王進威等並率曠雄  
鼓行而進以貞觀十四年五月十日師次伊吾時羅漫  
山北登黑紺所未盈旬月尅成奇功伐木則山林燿盡

叱咤則川谷蕩薄衝梯蹙口百口冰口機槍一發千石  
雲飛墨翟之拒無施公輸之妙詎比大摠管連籌帷幄  
繼以中軍鐵騎亘原野金鼓動天地高旗弊日長  
蔽雲自秦漢出師未有如斯之盛也班定遠之通西域故  
迹罕存鄭都護之滅車師空聞前史雖留世著彼徇何  
人乃勒石紀功傳諸不朽其詞曰

於赫大唐受天明命化濟得口功無與竟荒服猶阻夷  
居不定乃拜將軍弥茲臬鏡其一六奇口思群雄逞力陣

開龍口營口口口口麗星光旗明日色揚旌塞表振威

西燕其二峨峨峻嶺眇眇平原塞雲暝結胡風晝口口口



□□高樹□□銘功讚德□□□□

貞觀十四年歲次庚子□六月丁卯朔廿五日辛卯  
立

瓜州司法叅軍河內司馬□□□□□□

碑左側

側寬四  
寸二行

交河道行軍摠管左驍衛將軍□□□□□□□□

□□吳仁領右軍□□□□

交河道行軍摠管左武衛將軍上柱國□□縣開國  
公牛進達領兵十五万

高昌之役爲行軍副總管出伊州距柳谷百里依山  
造攻械增損舊法械益精其處有漢班超紀功碑行  
本磨去古刻更刊頌陳國威靈遂與侯君集進平高

昌

唐書姜  
行本傳

碑嶺上有唐碑文多駁落尚存侯君集領十四萬軍

等字

一統  
志

闕石圖者番語碑也嶺上有唐侯君集領兵四十萬  
西征之碑而字已剝落不成文矣

使西域記  
奉

此卽太宗詔伐高昌麴文泰事也唐書高昌傳稱侯

君集爲交河道大總管薛萬均薩孤吳仁副之契苾

何力爲葱山道副大總管牛進達爲行軍總管率突厥契苾騎數萬討之據此云口孤吳仁領右軍十五萬牛進達領兵十五萬與史言相合中叙君集封陳國公行本封通川縣男史俱不及文後有瓜州司法叅軍河內司馬太真詞具行當爲撰文人姓名

關中金石

記

右姜行本紀功碑文多剝落攷唐書姜行本傳高昌之役磨去古刻更刊頌陳國威靈卽此碑也行本嘗封通川縣男新舊史皆失載碑今在哈密城北天山之麓土人名闕石圖漢言碑嶺也侯君集傳稱高昌

平君集刻石紀功乃別是一碑今已無存舊一統志  
誤以此卽君集所刻乃云高昌卽土魯番地東去吟  
密尚一千五百里此嶺在天山上當是君集旣平高  
昌凱旋而東過此山因而勒石做實憲勒銘燕然之  
意震耀武功非勒石於高昌國都今按碑額題大唐  
左屯衛將軍姜行本勒石紀文則非君集所刻明甚  
君集克高昌在八月癸酉而碑立於六月辛卯蓋在  
進兵之時亦非凱旋後所刻也唐書西域傳拜侯君  
集爲交河道大總管左屯衛大將軍薛萬均薩孤吳  
仁副之碑無薩孤吳仁名疑西域傳誤

潛研堂金石文跋尾

按碑番言科舍圖故又名科舍圖嶺今屬巴里坤一  
統志高昌卽吐魯番地東去哈密尚一千二百里哈  
密唐時伊州伊吾縣自貞觀四年內附卽置州縣此  
嶺在天山上當時君集旣平高昌凱旋而東過此山  
因而勒石唐書侯君集傳及西域傳所云刻石紀功  
卽指此碑當時必以天山高峻傲竇憲勒銘燕然之  
意震耀武功非勒石於高昌國都者據此則今哈密  
北碑嶺之碑宜立於平高昌凱旋後也然考唐書太  
宗紀貞觀十三年十二月壬申侯君集爲交河道行  
軍大總管以伐高昌十四年八月癸酉克高昌九月

癸卯赦高昌部十二月丁酉侯君集俘高昌王以獻  
西域傳高昌捷書聞天子大悅君集勒石紀功凱而  
旋俘智盛君臣獻觀德殿行飲至禮侯君集傳高昌  
平君集勒石紀功還以此叅互求之是侯君集勒石  
紀功當在八月癸酉以後而今碑嶺之碑石刻六月  
辛卯可知其非一碑更以姜行本傳磨班碑更刊頌  
之文考之則此碑之建當在伊州造械之際進平高  
昌之前卽按碑文所載僅修軍容未陳凱績亦相符  
合然則侯君集平高昌紀功當別有刻石未可云卽  
指此碑而當曰紀功之碑亦未必不立於高昌國都

也碑在遠方摹拓者少近時錢少詹事嘗跋其文云碑多剝落以余推之僅十餘字墨濕暈不可識案文內所序事跡始末云高昌國者乃是兩漢屯田之壁遺民之所居麴文泰卽其酋豪也又云雖沐仁風情懷首鼠杜遠方之職貢阻重譯之往來唐書西域傳文泰與西突厥通凡西域朝貢道其國咸見壅掠伊吾嘗臣西突厥至是內屬文泰與葉護共擊之帝下詔讓其反覆今碑所指是也錢君指碑無薩孤吳仁名疑西域傳誤案碑前二行於正文不屬題云交河道行軍總管左武衛將軍上柱國口城縣開口公

口孤吳仁名自顯存又有交河道行軍總管左武衛  
將軍上柱國口城縣開國男牛進達領兵十五萬與  
唐書載武衛將軍牛進達爲行軍總率突厥契苾數  
萬討之合則當時二人名固在也但諦認此二行字  
不似碑正文或行本自紀其功而二人班師後另書  
名於此爾行本傳高昌之役出伊州距柳谷百里其  
處有漢班超紀功碑行本磨去古刻更刊頌陳國威  
靈今碑式與裴岑紀功碑相類信爲漢製無疑行本  
粗莽可爲嘆息也

授堂金  
石跋

按此碑乃姜行本伐高昌時道過天山所立也是



時帥師者侯君集而碑文則專紀姜行本營造攻  
具之功也新唐書姜謩傳謩子確字行本以字顯  
貞觀中爲將作少監護作九成洛陽宮及諸苑籞  
以幹力稱蓋其智巧精于營造者也其伐高昌造  
攻械事與碑合侯君集傳新舊史俱言先封潞國  
公後授陳州刺史改封陳國公關中金石志謂史  
不及者偶失檢也侯君集薛萬鈞史皆與碑合劉  
德敏以下俱無攷行本傳雖云行本磨去古刻更  
刊頌陳國滅靈而碑文詳叙行本造械云機櫓一  
發千石雲飛墨翟之拒無施公輸之巧詎比似是

從征者所頌并非行本所自爲也嘉興許燦晦堂  
詩鈔有漢唐紀功碑詩云周郎從軍越絕塞好古  
所至窮蒐羅古碑出見豈偶爾鑿地竟得雙嵯峨  
詩作於康熙間是漢唐二碑出土同在一時漢碑  
未嘗磨去也原註云漢碑文云維漢永和二年八  
月燉煌太守雲中裴岑將郡兵三千人誅呼衍王  
等斬馘部衆克敵全師除西域之灾蠲四郡之害  
邊境又安據威到此立海祠以表萬世唐碑前題  
云大唐左屯衛將軍姜行本勒石紀文末題歲月  
云大唐貞觀十四年歲次庚子六月丁卯朔二十

五日辛卯云云又文中紀三總管銜名悉與此碑  
合又乾隆間錢塘施養浩出塞存稿有邊碑詩自  
註云巴里坤漢碑惟漢永和二年八月敦煌太守  
雲中裴岑將郡卒三千人誅呼衍王壽建祠以誌  
萬世云原本湮沒今西門外廟僧立石殿階陋劣  
可笑雍正九年大將軍查郎阿以南山達坂陡峻  
不能運車糧乃相度山形開鑿以通之山巔得唐  
碑係貞觀十四年伐高昌鞠文泰左屯衛將軍姜  
行本勒石紀文碑字多殘闕據此則唐碑尚存而  
漢碑非其舊矣兩說不同如此要之行本曾稱磨

者另一班碑非卽永和二年裴岑碑所更刊頌之  
文亦另有一碑非卽此碑也碑云高昌國者乃是  
兩漢屯田之壁遺兵之所居麴文泰卽其裔裔也  
舊唐書傳高昌者漢車師前庭之庭後漢戍已校  
尉之故地交河道前王庭田地城校尉城也然則  
侯君集爲交河道行軍大總管是所伐乃前王庭  
矣傳又稱其王麴伯雅卽後魏時高昌王嘉之六  
世孫隋煬帝時以戚屬宇文氏女爲華容公主妻  
之武德二年伯雅死子文泰嗣貞觀時西戎諸國  
來朝貢者皆塗經高昌文泰後稍壅絕之卽碑所

云杜遠方之職貢阻重譯之往來者是也此碑及漢裴岑碑自岳鍾琪查郎阿爾將軍出塞以後始知西域有此二碑而流傳尚少戶部侍郎裴公曰修出塞測量道里攜兩碑以歸嗣後往來者購求攜帶流傳稍廣矣碑書芳猷作芳馥苑天山苑卽苑字愍彼蒼生愍當作愍廣韻愍聰也與愍字義別此殆避太宗諱借愍爲愍也率卽率字機檜一發十石雲飛者左傳檜動而鼓音釋又作檜建大木置石其上發機以鎚敵者也高旗弊曰弊卽蔽

字

伊闕佛龕碑

高一丈六寸廣六尺六寸五分三十二行行五十一字正書額題伊闕佛龕之碑篆書在洛陽伊闕

口夫藏室口閣之舊典蓬萊宛委之遺文其教始於六  
經其流口於白氏莫不美天地爲廣大嘉富貴爲崇高  
口物致用則上聖口口發育御氣乘雲則列仙體其變  
化茲乃盡域中之事業殫方外之天府踰繫表而稱篤  
論口帝先而謂窮神豈非徇淼漫於埴井者未從海若  
而泳天地也矜峻極於塊鼻者未託山祇而窺地軸也  
烏識夫無邊慧日垂鴻暉於四衢無相法寶韞善價於  
三藏泊乎出口口之外寂焉超筌蹄之表三界方於禹

跡也猶大林之匹豪端四天視於侯服也若龍宮之方  
蝸舍升彼岸而捨六度則周孔尚溺於口淪證常樂而  
捐一乘則松高莫追其軌徹山是見真如之寂滅悟俗  
諦之幻化八儒三墨之所稱其人填口隴矣柱史園交  
之所述其口猶糠粃矣若夫七覺開口口正分塗離生  
滅而降靈排色空而現相唯妙也掩室以標其實唯神  
也降魔以顯其權故登十号而御六口絕智於無形之  
口口口口而冥五道應物於有爲之域是以慈悲所及  
踔恒沙而同跬步業緣既啓積僧祇而比崇朝故能使  
百億日月蕩無明於口口口口口口口口隋法雲於下七然

則功成道樹非練金之初跡滅堅林豈斷籌之末功既  
成俟與典而垂範跡既滅假靈儀而圖妙是□□□□  
□□其化於迦維載飾丹青發其善於震旦繩繩乎方  
便之力至矣巍巍乎饒益之義大矣□□□□文德皇后

道高軒曜□□□□淑聖表於無壘柔明極於光十沙  
麓蕃社塗山發祥來翼家邦嗣徽而贊王□聿修陰教  
正位而叶帝圖求賢顯重輪之明逮下□厚載之德忠  
謀著於房闈□敬申於□□宗祀至誠所感清明魄於

上至柔所被蕩震騰於下心繫憂勤行歸儉約胎教□

□本枝冠於二代闡政攸叙宮掖光於二南陋錦繪之



華身安大帛賤珠玉之寶志絕名瑞九族所以增睦萬  
邦所以至道宏覽圖籍雅好藝文酌黃老之清靜窮詩  
書之溥博立德之茂合大兩儀立言之美齊明五緯加  
以宿殖遠因早成妙果降神涓涘明四諦以契無生應  
蹟昭陽馳三車以濟有結故縣區表剝帑金猶須達之  
園排空散花踊現同多寶之塔諒以高視四禪俯輕末  
利深入八藏顧口勝鬘豈止釐降揚蕤軼有媯之二女  
載祀騰實越高辛之四妃而已哉左武侯大將軍相州  
都督雍州牧魏王體明德以居宗膺茂親而作屏發暉  
才藝兼苞禮樂朝讀百篇摠九流於學海日摛三賦備

萬物於詞林驅魯衛以駿鑣馭梁楚使扶轂長人稱善  
□□千里之□通神曰孝橫□四海之濱結巨痛於風  
枝纏深哀於霜露陽陵永翳懷鏡險而不追闕宮如在  
望階除而增慕思欲弭口驚岳申陟屺之悲鼓榼龍池  
寄寒泉之思方願捨白亭而遐舉瑩明珠於兜率度黃  
陵而撫蓮蔭寶樹於安養博求報恩之津歷選集靈之  
域以爲百王建國圖大必揆於中州千尊託生成道不  
曰於邊地惟此三川寔總六合王城設險曲鼻營定鼎  
之基伊闕帶同文命闢襄陵之□穹隆極天崢嶸無景  
幽林招隱洞穴藏金雲生翠谷橫石室而成蓋霞舒丹

巖臨松門而建撫密基拒於嵩山依希雪嶺口流津於  
德水俯佛連河斯固真俗之名區人祇之絕境也王乃  
罄心而宏喜捨開藏而散龜貝楚般竭其思宋墨騁其  
奇疏絕僻於玉繩之表而靈龕星列雕口石於金波之  
外而尊容月舉或仍舊而增嚴或維新而極妙白豪流  
明掩蓮花之質紺髮揚暉分檀林之侶是故近瞻寶相  
儼若全身遠鑒神光湛如留影啖鏤玉之爲劣鄙刻檀  
之未工杲杲焉踰日輪之麗長漢峨峨焉邁金山之吹  
巨壑耆闇在目邨竭可想寶花降祥蔽口雲之色天樂  
振響奮口口之音是以覩法身之妙而八難自殫聞大

覺之風而六天可陟非正真者其孰能與於此也善建  
佛事以報鞠□之慈廣修福□以□□提之業非純孝  
者其孰能與於此也昔簡狄生商既□迴於名相公且  
胙魯亦□遁於國城猶且雅頌□其功同和於天地管  
弦詠其德□□□鬼神况乎慧燈普照甘露徧灑任奴  
尊名具之以妙覺閒平茂實成之以種智是用勒紺碣  
於不朽譬彼法幢陳讚述於無窮□□□□俾夫衣銷  
劫□與金剛而比堅芬納須弥隨鐵□□齊固□□□  
□迺作頌曰

十号開緒二諦分源有爲非寶無相稱尊光宅沙界大

居給園仁舟戡溺智炬排昏緣發現足□終還淨色身  
斲掩靈照遠鏡布金降真攻玉圖聖五道有截三乘無  
競云帝唐御紀文以定祥功濟赤縣德穆紫房十品  
散馥三慧騰光廣闢香地載紐元綱卓爾英王□□茂  
則丹青神甸鹽梅王國擲□□□橫海□德孝思不匱  
報恩罔忒聿修淨業于茲勝境梯危紫□□□翠嶺□  
石表相因山幕□□□雖遙求心寧永豪□□□□□  
□□□□祇樹樓似增□城飛泉灑漢危石臨巖垂日  
近松□□□宣勝業載圓邪山滅地傾下關

唐起居郎褚遂良書三龕記字畫尤奇偉在河南龍

門山山夾伊水東西可愛壁間鑿石爲佛像後魏及  
唐時所造惟此三龕像最大乃魏王泰爲長孫皇后  
造也

集古錄

龍門山鑿石爲佛像無慮萬計石窟最大者今名賓  
暘洞像尤高大洞外石崖高處有刻字拓之得二十  
餘行首尾不具不知年月姓名按集古錄有三龕記  
貞觀十五年魏王泰爲長孫皇后造岑文本撰銘褚  
遂良書今拓本有聿修陰德等語又有左武侯大將  
軍相州都督雍州牧魏王及懷鏡奩而不追云云知

卽此記也

金石文  
字記

集古錄有貞觀十五年三龕記云唐兼中書侍郎岑  
文本撰起居郎褚遂良書字畫尤奇偉三龕像最大  
乃魏王泰爲長孫皇后造也寶刻類編云貞觀十五  
年十一月磨崖刻今缺撰人年月据此書知洛陽縣  
志云賓陽洞舊有岑文本三龕石刻今失者誤也額  
篆書闕字作闕字謬甚碑稱文德皇后道高軒曜云  
云又稱左武侯大將軍相州都督雍州牧魏王卽魏  
王泰予以丙午秋日閱視兵伍因過伊闕山訪賓陽  
洞見泰所造三龕佛像大五六丈其伊闕夾水兩岸  
石龕佛像數百皆後魏及唐世所鑿也龕之旁側往

往有刻字惜不能徧窮其勝因憶水經注稱闕左壁  
有石銘云黃初四年六月二十四日辛巳大出水舉  
高四丈五尺右壁又有石銘云永康五年河南府君  
循大禹之軌部督郵辛曜新城令王琨部監作掾董  
猗李褒斬岸開石平通伊闕石文尚存也疑此刻磨  
崖不致失墜好古之士訪之當或能見焉故附識于

此

中州金  
石記

碑在賓陽洞之南磨崖刊此石近亦損裂惜無年月  
可案集古錄謂魏王泰爲長孫皇后造者在貞觀十  
五年攷十七年泰卽降王東萊今記書左武侯大將



覃栢州都督雍州牧魏王知此碑自十年長孫后既  
崩以後而泰猶未獲罪降徙時爲近之但必于十五  
年未審歐陽子何據也

授堂金  
石跋

按舊唐書太宗諸子列傳濮王泰字惠褒太宗第  
四子初封宜都王進封衛王改封越王授揚州大  
都督貞觀五年兼領左武侯大都督並不之官八  
年除雍州牧左武侯大將軍九年轉鄜州大都督  
十年徙封魏王遙領相州都督十七年降封東萊  
郡王此碑稱左武侯大將軍相州都督雍州牧魏  
王則立碑當在貞觀十年以後十七年以前矣新

唐書稱太宗十四子文德皇后生第四子泰太宗  
本紀貞觀十年六月己卯皇后長孫氏崩十一月  
庚寅葬文德皇后于昭陵此碑爲文德皇后造寺  
文有云結巨痛于風枝纏深哀于霜露陽陵永翳  
懷鏡奩而不追闕宮如在望堦除而增慕是立碑  
當距葬文德皇后不遠也碑云惟此三川寔總六  
合史記秦紀莊襄王元年初置三川郡注河洛伊  
也碑有中州伊闕字是指中州之三川也左傳守  
闕塞宇蘭勝大元大一統志引服虔注云南山伊  
闕是也碑書峻作峻轍作微崇基拒于嵩山拒當



蓋聞經邦致治必資輔相之士折衝禦侮寔賴將帥之  
臣是以尚父鷹揚□□於□□□□□□□□□□於  
□□□□□□□□□□□□□□□□□□□□□□  
□□聲稱頌騰芳史冊存與日月爭暉沒與金石不朽  
至於拔萃著美舉旗馳譽繼雲□□□□□□驍□□  
軌其唯忠壯公乎公諱□字志元□□郡□□人也若  
夫□宗隱嶙崇基冠於衆丘長河浩汗洪源導於積石  
是以庭堅作士□周□伯陽之教干木作師東海□經  
明之績煥乎方策豈不□歟祖□□□□□□□□川□  
守德元□俗政洽唯良考偃師散騎常侍益都縣開國

公贈洪州都督八州諸軍事謚信公勤邁□□功□□  
□公□□極之秀氣□□□□□□□□□□孝□踐  
□基於忠烈□表瓌奇器量宏遠戡戡焉猶曾峯之峙  
嵩霍滔滔焉若清流之澄江漢故能齠年立志冠歲□  
名質性方直□□於汲黯交結□□□□□□□□□  
隨大業□薄伐遼左公占募從征年始十四夫兵戰凶  
危也遼碣遐阻也童牙而從兵戰忘□而涉遼碣□□  
□識基於是矣 高祖道踰湯武□□□□□今上地  
兼魯衛爰始登庸公附翼方舉攀光旭旦委質邁奔走  
之臣就列踰蜀漢□□□□□頭朝散大夫從 上破

西河□朝□□□□破□老□於霍□遷銀青光祿  
大夫昔舞陽策名從沛邑而力戰子衛效命臨昆陽而  
先登□□茂勲方駕前烈□與□□劉元靜破□□□  
屈突通累遷□光祿□□□□□濟縣侯食邑□  
千戶又從上討薛舉劉武周以功授樂遊府驃騎將  
軍進封武安郡公食邑并前二千戶公勇冠三軍氣高  
□戰□馬電發則□□必□□□□□則□□□□是  
以紆金章於巖廊苞舉樊鄴分桓珪於奧壤牢籠寇鄧  
君子以爲宜哉又從上王世充□□□第一□□  
□授□□□□尋□□□□□□□□□□  
上初踐



史執簡後昆所以欽風  
□□覽前書□惟近代□□

□□□貽□□□□□□□□□□□□□□□□

□特□金□諸軍事金州刺史子孫承襲改封襄國

食邑如故與司徒趙國公等同受冊命從□□□監

檢校武□大將軍尋遷□衛大將軍□□□□□□

□□□□□□□齊聲內典鉤陳與辛趙而方軌非

聖帝不能疇茂績非奇才不能取高位於是見君臣之

合契唱和之如□焉又丁母憂□□□□□□□□

□□□□禮□著□劔□錡懷藜莪而疚心泣血苦廬

瞻几筵而增絕銜恤成疾致毀遽漸中使結徹於□□



□□□奇於藥劑 □□□心膂 慈深覆育親□鑿  
□□□同旣班□貴又諳所言公銘戴 恩私對揚  
忠到城郢之志豈惟楚臣慎赦之言寧慙□相旣而子  
輿日□平仲不□類彼劉□□宗□□□□□□  
□□□□□□以貞觀十六年□月十八日薨於京師  
之醴泉里第春秋卅五 上情深悼傷舉哀於別次雖  
□□之□□孫□君之悲仁祖方之篋□□□□□  
□□□之□□□於念功勸善之□寔深於追往故鎮  
軍大將軍右衛大將軍襄國公段志元器宇敦確風略  
沉毅□質運始□□□□效勇□於麾□□勤□□□

金石錄卷四十一  
三  
□□□□□□□□□□方□□歷永寄心膂與善冥默  
奄焉殞喪震悼之情倍深傷惜哀榮之典宜加恒數可  
贈輔國大將軍使持節都督楊和□潤常□□北州諸  
軍事□□□□□官□□□□於昭陵□□□□塋地  
并東園祕器葬事所須並宜官給賻布絹五百段米粟  
一千石四品一人監護其儀仗送至墓所仍送□事

上又追懷功烈乃 詔司存圖形於戟武閣太常孝行

謚曰忠壯公禮也惟公氣岸崇峻□宇□深□樹幡旗

□懷□□□□□□□□□□□□□□□□猛志□□托

猊而靡懼高節邁俗觸雷霆而不驚遂乎河出馬圖

腰佩□□紐爵兼手乘裂□□之膏腴位□□□漢庭  
之榮寵□□□□□□□□□□之道克□於家國  
仁義之風不愆於出內懷公孫之不伐慕孝甫之循精  
行貳黜□□晦其扛鼎之力言□木訥韜其涌泉之慮加  
以敦睦宗族□□□□□□□□□□□□鄉黨□□  
□□怨已以及物仁心天發輕財以濟窮豈非朝廷之  
爪牙人口之領袖者已故吏□名等慨徽音之遂往懷  
遺愛而□□□□請書□□□□□□□□□□□□  
碑於□□□□□□□□猶勒銘於江表況乎誠著草昧功  
叅征伐顧灌□□而俯視□□寇賈而長驅豈可使改名之



瘡口愈遲毀口口口口口口口口口口盡口藏舟難口奔  
義易吳 冕旒興哀縉紳掩淚恩踰九列禮亞三事何  
以贈之戎章口侮何以送之鉦車按轡勒銘貞石義兼  
庸器

右唐段志元碑以唐史考之多不合碑云公諱某字  
志元而其名已殘缺然史初不載其名也碑云鄒平  
人而史云臨淄人碑云謚忠壯而史云謚忠肅舊史  
亦作忠壯與碑合又碑云圖形戢武閣接唐史及諸  
書功臣圖形皆云凌烟閣初余得河間王元碑云圖  
形戢武意謂凌烟先名戢武後改之爾今得斯碑亦

同由是益知前言之不謬二碑皆當時所立不應差

誤也

金石錄

公封褒國公時亦授金州刺史見舊唐書而新唐書亦削之何也且史云志元父偃師至郢州刺史碑云散騎常侍益都縣開國公贈洪州都督八州諸軍事謚信公碑云志元從破薛舉劉武周云云而史不書碑云謚忠壯舊史同而新史曰壯肅其刺謬不合如此惜碑全者僅半尚未得詳考耳至如碑書撰俱無名氏書法雖方整不無少遜崔安上李藥師碑然于

正書中時作一二筆分隸是六代遺習

石墨鐫華

段公碑銘碑下半已磨泐可讀者千字而已

雍州金石記

右碑篆額正書書撰人姓名皆不見据寶刻叢編所云則本無姓名也碑之下段今已殘缺余但得其上段關中金石記云唐書本傳云臨淄人此作鄒平傳云謚忠肅此作忠壯今余碑不見有鄒平人三字當是下段中亦有數字可辨者搨工以其模糊太甚而

竟棄之耳

抱經堂文集

碑殘剝拓本今惟存其半尚約略粗可推認如碑所載志元歷官與史詳略異然史旣云父偃師仕隋爲太原司法書佐從義師官至郢州刺史今碑則云散

騎常侍益都縣開國公贈洪州都督八州諸軍事又  
與本傳不同然以宰相世系表考之又云偃師太子  
家令皆參差不合如此表或據其家牒採入亦無足  
疑者惟碑云志元左驍衛大將軍本傳與碑合而表  
作右驍衛則傳爲是表爲誤碑云謚忠壯舊唐書同  
今表亦作忠壯與碑合而本傳乃云謚壯肅則表爲  
是傳爲誤此又可參校以證者也新唐書太宗本紀  
貞觀十七年戊申圖功臣於凌烟閣志元圖形附見  
秦叔寶傳後檢此碑文又云詔司存圖形戡武閣碑

立在貞觀十六年當時尚未圖形凌烟早已圖于此



閔而戢武之名本傳亦不書蓋闕錄也。金石錄唐  
河間元王碑云唐初功臣皆云圖形凌烟閣而此碑  
乃作戢武閣戢武之名不見于他書惟當時石刻數  
數有之豈凌烟先名戢武而後改之耶與此碑同。授  
跋金石

按此碑文約二千字殘缺其半凡遇叙事紀要處  
皆遭磨泐今據其所存字攷之碑云公諱口字志  
元缺其諱一字其薨後追卹之詔又直稱段志元  
似係初別有諱後以字行故新舊唐書傳但云段  
志元不云別有諱也碑云某郡某縣人缺其地名

關中金石記尚見有鄒平字與金石錄合兩唐書  
俱作齊州臨淄人舊唐書地理志武德元年置鄒  
州領臨濟蒲臺高苑長山鄒平五縣八年廢鄒州  
鄒平屬譚州譚州廢屬淄州臨淄縣屬青州頗疑  
傳稱齊州臨淄是臨濟之謠蓋武德初臨濟與鄒  
平同屬鄒州兩邑地近里貫可以互稱若臨淄屬  
青州道里旣懸殊而又不云有遷籍之事然碑又  
稱偃師封益都縣公當時封國多從其鄉益都與  
臨淄同屬青州似臨淄不誤則亦當云青州臨淄  
不得謂之齊州臨淄矣宰相世系表則云段氏世

居武威至後魏晉興太守紛五世孫偃師徙河南  
以齊州青州皆屬河南道也碑缺其祖諱但有川  
字守字德元口俗政治唯良字則是嘗守口川而  
表與傳俱不載偃師之父名無從攷矣碑云隨大  
業薄伐遼左公占募從征年始十四志元薨于貞  
觀十六年年四十五推其生在隋文帝開皇十八  
年煬帝伐遼之舉在大業七年時志元正十四歲  
也傳則畧而不書徑叙其以千人從高祖而已碑  
稱討薛舉劉武周授樂遊府驃騎將軍進封武安  
郡公傳但書官不書爵遷左驍衛大將軍下有又

金石錄卷四十五  
爲梁州雍岐州等字其進封字泐傳但云封樊國  
公而已且檢校原州都督統承風道行軍討吐谷  
渾父憂起復後又丁母憂成疾傳皆不書餘則碑  
傳互有詳畧末云故吏口名等慨徽音之遂往懷  
遺愛而口口請書云云則是碑爲故吏所立請書  
之下必有撰人姓名惜皆泐也銘內奔義易旻義  
卽曦字

金石萃編卷四十六

賜進士出身誥授光祿大夫刑部右侍郎加七級王昶撰

平入唐

陸讓碑

碑連額高七尺六寸廣三尺九寸共三十四行行五十一字額題隨文州總管光祿卿陸使君碑十二字

並正書

州總管光

祿卿君之碑

洗馬陵口撰

太原郭儼書

德□□□□□周邵□啓封功蓋天地煥乎由素洎齊  
宣分邑是曰陸侯避地□□□□□□□□□□□□□□□□  
□□□□□□□□□□□□□□□□□□□□□□□□□□□□  
□□□□□□□□□□□□□□□□□□□□□□□□□□□□  
□□□□□□□□□□□□□□□□□□□□□□□□□□□□  
在□二陸□世以爲美談傳之□□六世祖載□功典  
午人倫領袖宋□□□□□□□□□□□□□□□□□□□□  
□□□□□□□□□□□□□□□□□□□□□□□□□□□□  
心百君股肱攸□□居京地名貫涇陽□□□□年□

□□□□□魏冠軍□□□州刺史行□□物□□□  
邊求□□寄得人斯在祖政周驃騎大將軍儀同三司  
恒涇二州刺史□都□公幼遭不造居貧致□孝泉之  
感達□幽明雖累□□□不忘其本俯拾青紫家風  
無墜□鍾儀楚奏莊烏越吟事□其人未□□載以今  
況古□有慙焉父□□八□□□光□大夫侍中大司  
馬□司寇大司徒秦襄陝三州總管綏德定公器字宏  
亮神□俊傑□□所寄總握兵□使□卽定公之第五  
子也幼挺岐嶷之姿早標令問之譽機神穎敏識□宏  
深以保定五年釋褐左□□□從□例也爰始弱冠時







禦導之以德齊之以刑易俗移風□成晷月聲馳□越  
 化□萬□大業五年詔□光祿□□□惟公器量宏  
 □□□□□□□□□入侍帷展既曰腹心  
 出宰名藩寔宣王化故能為政以成德立德以濟□厥  
 志不迴其儀匪忒汪□□□不能□其志肅肅焉風  
 霜不能改其節喜慍不形於色在貴不以凌人容止可  
 觀行為□則所謂珠生合浦玉產藍田□□琳□□□  
 餘慶□□不幸□疾春秋六十有二以大業六年正月  
 □日薨於河南郡雒陽縣之私第卽以其年二月□□  
 □□□長□縣之高□原夫人隴□李氏□□魏公□

之□大將軍趙郡公晏之女也□肩□禮相待如賓閨  
門雍穆□□敬□□□于窻□□□兄弟以御于家  
邦□公之謂□隨之云□□□□因□適□□□□  
曆以□大唐貞觀□□年歲次癸卯十□月□未□□  
六日壬寅□葬於雍州三□縣□□原禮也第□子□  
□□□縣令□叡幼□荼藜毀瘠過禮□庭之□□世  
無□□□之心終天□□□□□宅北斯安式紀□  
□乃□銘曰□□□□□□□□□□□□□□□□  
舜□于嚳媯育□□木枝派□□□其□□□□□□  
□名□□□□允□□□□□□□□□□□□□□□□

□□□其人□沈□亂□事莫□徒聞□□□為魏

臣□□安□稟德高門爵隆位顯名揚□尊□□□

□□□□□□□□□□□德□□降靈川岳智

□□齒□□□學繼此□□挺□□覺□璧□□□

□□為□□□□□□□□宏獻□乃肅鉤陳□□□

陛使繁紫宸偉□令德猗歟□人三□□九□□□

□壽□□□功□□氣烈□□□□冬日懋德懋□且

文且質□□周德有隨革命知人□拓□□□□□

□□□□□□□□□□□□□□□□□□□□

□□□□□□□□□□□□□□□□□□□□

雍穆□□□□□□□□□□□□□□□□

□□蒙風馳景迴□逝川□□□此□□言□□□□  
□□□□□□□□□□炎涼□□□□□子□□  
□□□地有隆□□□□□□□□□□隰芳□□  
遠□徽□□

按陸使君先世歷仕晉宋魏周諸朝使君官至使  
持節儀同大將軍安澤縣開國侯宣政元年進封  
公官爵不爲不顯而各史皆無傳碑中亦無事業  
足稱可見文章勲伐皆吾人所當自立否則雖躋  
顯位猶朝榮而夕替矣又按使君以保定五年釋  
褐歷仕周隋入唐又膺顯爵宗社滄桑罔知臣節

此歐陽公馮道等六人傳所太息痛恨者乃及其  
既沒而爲碑志者猶復活不爲怪轉以歷朝所授  
官階修陳鋪叙以爲榮幸則是輕大節而忘廉恥  
文卽工又何取焉隋唐之交碑志類此者甚多封  
書於此後來珥筆文人不可不引以爲戒

### 蓋文達碑

碑四面環刻碑陽二十七行行四十四字今殘四字  
連額高六尺一寸五分廣三尺二寸五分額題故蜀  
王師蓋府君之  
碑九字俱正書

尚書上柱國燕國公于志寧字處謚作此文

竊以仰觀俯察八卦於是列焉茲類爲形六籍所以生

陳卑高之序定君臣之儀口國辯方化民成俗

闕不

大哉於是西河闡以儒風北海敷以至教四方挹其茂

範百代稟其徽猷况蹈六行以揚名蘊九德以

闕

表道

爲人師紹闕里之頽風宏稷下之墜業見之正議大夫

蜀王師矣公諱文達字藝成冀州信都人也

闕

高山以

畫九州營丘佐姬平牧野以開四履鴻代承家口口分

社人物奕葉高軌銘於景鐘英傑蟬聯芳

闕

曾祖慶魏

彭城王記室叅軍樂陵郡守碣宮肇建卽預文房茅土

始封遂居分竹祖延齊安平王計曹從事

闕

超牧馬以

騰芳駮駕魏口冠應劉以驥首父未隨幽州薊縣令德

金石錄卷四十六  
光馴雉化美去蝗仁風表於苙哥政教彰

闕

稟淳和之

氣凌峻撫之精雅量淹通識度開濟比子昂之德行聲

動朝倫方季口之容儀光照隣國懷清貞

闕

重然諾而

略兼金博撫石渠踰蔡雖之萬卷學該藏室邁惠施之

五車緹藻麗於雕龍雄辯析於非馬入其

闕

芝蘭遊其

門者若聞絲竹可謂照灼千祀口口一時者焉隨煬帝

以當璧握圖大橫纂麤命翹車以招英口

闕

名碩儒公

以經明行修孤標獨秀大業三年授同安博士九年特

敕除守國子助教泊三靈改卜六口

闕

言於睿宗

崇函技於泮水武德元季授國子助教今上韜光藩



服歷試艱難虛左用佇奇才開館以口口闕辟來遊府

朝遂得文預題鞭恩參置醴聖人祠膺寶龕君臨區

宇業盛配天功齊造化循韶夏之舊軌闕風以公學冠

當時除國子博士雖曹志之篤行江統之高名未之連

步成均比肩璧水十年詔授員外散闕諫議大夫國

子博士如故懷匪躬之節抱忠公之心同少翁之善言

方紀山之鯁直十一年從駕洛陽宮闕補宏文館學

士口步銅駝待詔金馬切問資以辯對近侍屬於博

問十二季詔授國子司業左學右口闕謀口上庠下

庠官曹待以綱紀十三年詔授兼蜀王師匡正藩籜

劉寔以多聞見重師範磐石孔演以行

闕

古雖殊得人

是一十六年丁母憂居喪泣血至性逾於世公負土成

墳孝德甚於秦伯實可訓時勵俗作口

闕

立教宏風爲

羣察之隱括於是逍遙誓誥每服止足之言組織典墳

恒敦滿盈之誠觀陽元謝事意在抽簪

闕

車情存挂綬

所以退居丘壑有終焉之心十八年詔授正議大夫

兼崇賢館學士鶴閑將啓燕迺矯翼之

闕

開更招託乘

之客公曳裾未福躡履承華侍公宴口口之荆口飛蓋

銀榜之右豈謂峯頽東岳聖人起奠楹

闕

西州智士興

云亡之歎春秋六十有七薨雍州開化坊里弟哀感

宸極宮懸止於咸池悲動震方肅成輟

闕

敕令贈物絹

三百疋粟三百石寧事所須率由官給卽以其年十二

月歸葬於舊塋禮也惟公英姿磊落壇

闕

竦千尋量包

萬頃偶潘而稱連璧對郭而号仙口學綜羣書能兼衆

藝羽陵燾簡魏冢逸荷揣摩縱橫之

闕

之術囊括往

括高視前脩定三豕之疑不假卜商之辯決貳負之惑

詎勞劉向之言鴻都於是推高曲臺所

闕

口陪黃屋或

侍青宮方栲里之智囊鎮南之武庫故能保元口於當

世口口口於後昆世子國子主簿宏式

闕

口口追悲因

撫之難報對窮泉而長慟思口口之口永懷恐暑往寒

來□□□□延閣鍾移律改□□墜於

闕

碑文多漫漶其所載歷官始末考舊唐書本傳文達

字及三代名銜在隋時文達所居官並略不書

唐書同

又十一年補宏文館學士傳載于十年十二年詔授

國子司業傳載于十三年叙次失其實當依碑爲正

前云仁風表于弦哥哥古歌字後稱世子主簿宏式

式口世字不闕畫

授堂金石跋

按碑前題尚書上柱國燕國公子志寧字處謚作

三百此文換入兼書字并不曰換而曰作此文又一例

也新唐書傳及宰相世系表皆云六子仲謚此作

處謚彼此不同舊唐書傳永徽元年加光祿大夫  
進封燕國公二年拜尚書左僕射同中書門下三  
品前此未嘗官尚書此碑未著立於何年以志寧  
題銜證之當在永徽二年也然新書傳則進封燕  
國公在晉王爲皇太子時乃貞觀十七年事則又  
當立於十八年歸葬之時矣碑每行四十四字今  
拓本下截失搨四字率讀不全僅据其所存者攷  
之碑云曾祖慶仕魏祖延仕齊父永仕隋魏齊隋  
書及北史俱無傳公在隋除守國子助教唐太宗  
初除國子博士累授正議大夫兼崇賢館學士春

秋六十有七薨於雍州開化坊里第卽以其年十  
二月歸葬舊塋末云世子國子主簿宏式恐暑往  
寒來鍾移律改云云玩其語意似係葬後逾久而  
始立碑也兩唐書本傳叙官年數與碑參差本紀  
書幸洛陽宮乃十一年事碑稱十一年從駕洛陽  
宮補宏文館學士則碑不誤傳作十年者誤也碑  
云今上以公學冠當時除國子博士傳則云爲秦  
王文學館直學士碑與傳俱不同文學館百官志  
亦無攷其後兼崇賢館學士則新書百官志云貞  
觀十三年置崇賢館上元二年避太子名改曰崇

異體文也蜀王愔太宗第六子貞觀十年改封蜀王轉  
益州都督十三年除岐州刺史數爲非法削封并  
山嶽及國官之半文達傳云以王有罪坐免而碑則云  
暴虐匡正藩條師範磐石丁母憂退居邱壑有終焉之  
莫遺志云云是文家迴護之詞也碑書容儀藩條旁皆  
費不從不尙是舊習函文作函杖借用字里第作里弟  
滑武則從篆矣潤澤氣益益以露心辭對書而意  
太宗祭比干文口臨平必落忠貞氣首洲湖其儀備矣  
喪本高廣尺寸行數  
字數俱無考隸書 對少調其平之聲則出於靈  
維大唐貞觀十九年歲次乙巳二月己亥朔廿日戊午

皇帝敬遣大府卿蕭欽宗正少卿駙馬都尉長孫沖等  
持節以少牢之奠祭段故少師比干之靈朕聞龍躍鳳  
翔必資鱗口口口御下必藉忠良元首股肱其道尙矣  
惟君誕靈山岳降德星辰苞金石以爲心蘊松桂而爲  
質不以夷險易操不以利害變口口津之師挹高風而  
莫進朝歌之滅資至德而延期且道喪時昏奸邪並用  
暴君虐主正直難居是以江漢神龜殘形由於蘊口口  
山和璞碎質以其懷珍丹耀彩而磨肌翠含色而解羽  
驚風拂野迴野先彫零雨被枝高花早墜良由佩奇銜  
美獨秀你貞雖口口任亡詎能遣凶殘之累智周萬物



不能離顛沛之艱然則夫夏將非一木之能止天道

去矣豈一賢之可全且夫口過口口口口惡忠臣之

義也三諫不入奉身而退聖人道也何必殉形於國

以速商段之亡剖心於朝坦潔夫之罪每懷此口口

口口口口者觀朕斯言以爲飾非拒諫智者明於此意

當知惜善愛仁歎往哲之不追嗟後賢之未及然則犯

顏色逆龍鱗奮不辰口口口口諛諂斯節者罕有其人非

知之難行之不易所以永懷千古駐駕九原悽愴風煙

靡尋餘跡荒涼丘隴空有口名昔周武封口口口表德

姬文葬骨異世司臣雖令古殊途年代冥漠式遵故實

委贈大師清酌少牢以陳薄禮遊魂□□□□嘉誠

司徒太子太師趙國公無忌晉□□□□□□

開府儀同三司申國公士廉唐□□□□□□

光祿大夫民部尙書莒國公唐儉唐□□□□□□

吏部尙書駙馬都尉柱國安德郡開國公楊師道唐□□

中書令江陵縣開國子岑文本唐□□□□□□

正議大夫守中書令兼太子左庶子馬周唐□□□□□□

中大夫守黃門侍郎褚遂良唐□□□□□□

右貞觀十九年二月卅日無忌等奏請以贈比于銘并

祭文刻石樹碑奉勅依奏唐□□□□□□

明左宗衛鐙曹參軍事宜魏文館臣薛純隨書

按比干墓在河南府偃師縣西北一十五里太宗  
貞觀十九年二月庚戌如洛陽宮以伐高麗道經  
河南遣官以祭也舊唐書本紀二月乙卯贈殷比  
干爲太師謚曰忠烈命所司封墓葺祠堂春秋祠  
以少牢上自爲文祭之新書本紀但書丁巳贈比  
干太師謚忠烈而不云致祭碑則云戊午奠祭且  
但云贈太師而不云加謚各有詳略不同文又云  
三諫不入奉身而退聖人之道也云云此與魏孝  
文弔比干文迥別深能表比干之忠且太宗任賢

納諫保全忠直之盛心藹然溢于言外遣祭者大  
府卿蕭欽及宗正少卿駙馬都尉長孫沖等蕭欽  
兩史無傳長孫沖尙長樂公主主爲太宗第五女  
長孫皇后所生沖爲后兄無忌子官至秘書監駙  
馬都尉後列七人名官爵與史傳同是時輔太子  
守定州者三人無忌士廉馬周也從征者二人楊  
師道岑文本也從獵洛陽者一人唐儉也褚遂良  
則但書其上疏諫伐而不言其從征與居守又七  
人中前二人不著姓後五人者姓所未詳也後題

貞觀十九年二月卅日無忌等奏請以贈比干詔

并祭文刻石樹碑奉勅依奏蓋祭告後十日也今  
晉刻石者祇有祭文而缺其詔矣未題前左宗衛鎧  
曹參軍事宜宏文館臣薛純隨書書體八分純隨  
唐書無傳惟廣川書跋云薛純隨秘書省正字與  
此碑結銜不同廣川又云貞觀十二年純隨奉勅  
書砥柱銘當時如虞伯施褚登善號能書者皆避  
而讓之其書筆力有餘點畫不失尙多隸體氣象  
奇偉猶有古人體法又朝野僉載有云歐陽通詢  
之子善書薛純隨亦善歐陽草云云是純隨之有  
書名如此又純隨二字見涅槃經佛將涅槃受純

隋最後供翻譯名義云純隋是西音妙義是此語  
是薛純隋命名之義殆有取于是歟百官志武德  
五年改太子左右武侍衛率曰左右宗衛率府又  
有鎧曹參軍事二人掌儀衛兵仗皆太子衛職貞  
觀中鎧曹廢碑云前者未廢以前所任也宏文館  
亦隸東宮官碑爲宋時翻刻故文中兩殷字皆缺  
筆作段玠字仔字照摹本缺並非泐文貳作貳疑  
摹者之誤

晉祠銘

碑連額高一丈一尺二寸八分廣四尺九寸四分二  
十八行行字四十四至五十不等正書在太原府

晉祠之銘并序

御製御書

夫興邦建國資懿親以化輔分珪錫社實茂德之攸居  
非親無以隆基非德無以啓化是知功侔分陝奕葉之

慶弥彰道洽畱棠傳芳之跡斯在惟神誕靈周室降德

鄴都疏派天潢分枝璇極經仁緯義履順居貞揭日月

以爲躬麗高明之質括滄溟而爲量體宏潤之資德乃

民宗望惟國範故能協隆鼎祚贊七百之洪基光啓維

城開一匡之霸業既而今古革運舟壑潛遷雖地盡三

分而餘風未泯世移千祀而遺烈猶存元化曠而無名

神理幽而靡究故歆祠利禱若存若亡濟世匡民如顯  
如晦臨汾川而降祉構仁智以捷神金闕九層鄙蓬萊  
之已陋玉樓千仞恥崑閩之非奇落日低於桂筵流星  
起於珠樹若夫崇山亘峙作鎮叅墟襟帶遍亨標臨朐  
土懸崖百丈斨日虧紅絕嶺萬尋橫天聳翠霞無機而  
散錦峯非水而開蓮名鏡流輝孤巖霄朗松蘿曳影重  
谿晝昏碧霧紫煙鬱古今之色鹽霜絳雪皎冬夏之光  
其施惠也則和風溽露是生油雲膏雨口口其至仁也  
則霓裳鶴蓋息焉飛禽走獸依焉其剛節也則治亂不  
改其形寒暑莫移其操其大量也則育萬物而不倦資



四方而靡窮故以衆美攸歸明祇是宅豈如羅浮之島  
拔嶺南遷舞陽之山移基北轉以夫挺秀之質而無居  
常之資故知靈岳標奇託神威而爲固加以飛泉涌砌  
激石分湍縈氛霧而終清有英俊之貞搯任方圓以成  
像體聖口之屈伸日注不窮類芳猷之無絕年傾不溢  
同上德之誠盈陰澗懷冰春留冬鏡陽巖引澗冬結春  
苔非疏勒之可方豈曝布之能擬至如濁涇清渭歲歲  
同流碧海黃河時時一變以夫括地之紀橫天之源不  
能保其常莫能殊其搯信乃茲泉表異口口口口爲珠  
仰神居之肅清想徽音其如是在是以朱輪華轂接軌於

壇衢玉幣豐口連箱於廟闌氤氳靈氣仰之而彌高昭

晰神光望之而逾口潛通元化不爽於錙銖感應明徵

有逾於影響惟賢是口非柔稷之爲馨惟德是依口口

口之爲惠昔有隨昏季綱紀崩淪四海騰波三光戢曜

先皇襲千齡之徽號膺八百之先期用竭誠心以

祈嘉福口口口恢發跡神邦舉風電以長驅籠天地而

遐掩一戎大定六合爲家雖膺錄受圖彰於天命而克

昌洪業口口口口口茫茫萬頃必俟雪雨之澤巍巍

五岳必延塵壤之資雖九穗登年由乎播種于尋聳日

本藉崇基然則不雨不雲則有口口之害非塵非壤則

有傾覆之憂雖立本於自然亦成功而假助豈大寶之

獨運不資口口口靈福者乎故無言不酬無德口口所

以巡往跡賽洪恩臨汾水而濯心仰靈壇而肅志若夫

照車十二連城三五幣帛雲委珍羞山積此乃庸鄙之

享恐非明口所歆正當竭麗水之金勒芳猷於不朽盡

荆山之玉鑄美德於無窮名彼雨師宏茲惠澤命斯風

伯揚此清塵使地口口德於金門山靈受化於龕闕括

九仙而警衛擁百神以前驅俾洪威振於六幽合譽光

於千載豈若高唐之廟空号朝雲陳蒼之祠虛傳夜影

式刊芳烈乃作銘云

赫赫宗周明明哲輔誕靈降德承文繼武啓慶畱名翦  
桐殞土逸翮孤映清颺自舉藩屏維寧邦家攸序傳暉  
竹帛口靈汾晉惟德是輔惟賢是順不罰而威不言而  
信元化潛流洪恩遐振沉沉清廟肅肅靈壇松低羽蓋  
雲挂仙冠霧口霄碧霞帳晨丹戶花冬桂庭芳夏蘭代  
移神久地古林殘泉涌湍縈瀉砌分庭非攬可濁非澄  
自清地斜文直澗曲流平翻霞散錦倒日澄明冰開一  
鏡風激千聲旣瞻清潔載想忠貞濯茲塵穢瑩此心靈  
猗歟勝地偉哉靈異日月有窮英聲不匱天地可極神  
威靡墜萬代千齡芳猷永嗣

右唐晉祠銘太宗撰并書晉祠者唐叔虞祠也高祖  
初起兵禱于叔虞祠至貞觀二十年太宗爲立焉

錄

河東道并州晉平縣晉祠碑唐貞觀二十年太宗幸

并州置御製并書

太平寰宇記

趙州四里

唐得天下後太宗祠晉侯而爲之銘晉侯者周唐叔  
後霸天下者也據碑高祖起兵時曾禱于晉侯之祠  
而以是報享之太宗製文並書全法聖教序蘭亭而  
縱橫自如但石理惡歷年多其銛鏝之存者無幾耳

石墨  
鐫華

祠在今太原府西南四十里距今太原縣八里而今  
縣則古晉陽之故址唐時爲并州爲北都爲河東節  
度使治昔人立廟於此以祀唐叔考之北齊書已有  
其名而唐高祖起兵嘗禱於此冊府元龜太宗貞觀  
二十年正月幸晉祠樹碑製文親書之於石今存祠  
中蓋昔之并都甚大祠去城三四里爾在懸甕山之  
麓晉水之所發源後人于此引池結亭架橋其上林  
水翳然足爲一方之勝其廟負山而東面者晉水之  
神南面者唐叔之神後晉天福六年封唐叔爲興安  
王臺駘爲昌寧公而宋時又封晉水爲顯靈昭濟聖

母飾爲婦人之像今之人但言聖母而不復知有唐  
叔爲古先有土之君矣水經注云昔智伯過晉水以  
灌晉陽後人踵其遺蹟蓄以爲沼沼西際山枕水有  
唐叔虞祠水側有涼堂結飛梁於水上北史薛孝通  
曾與諸人同詣晉祠皆屈膝盡禮孝通獨捧手不拜  
顧而言曰此乃諸侯之國去我何遠恭而無禮將爲  
神笑是則當時之所祀者唐叔非水神也祠前蓮花  
臺上有鐵人四一紹聖四年一五年造俱完一宏治  
十一年一無年月俱壞今之三不及古也夫碑陰字  
體不一其上右方云司徒太子太師上柱國趙國公

臣無忌太子太保上柱國宋國公臣瑀特進太子詹  
事兼左衛率上柱國英國公臣勣光祿大夫刑部尚  
書上柱國鄖國公臣張亮禮部尚書上柱國江夏郡  
王臣道宗太常卿駙馬都尉柱國安德郡公臣楊師  
道正議大夫守中書令太子左庶子兼攝吏部尚書  
護軍臣馬周凡七行皆當御書者其餘則皆宋人續  
題錯亂無次具空處又有洪武二年行省參知政事

楊憲題而絕無一唐人題者以御書之碑不敢擅刻

也東軒筆錄呂升卿為京察訪游泰山題名于真  
宗御製封禪碑之陰刊外搨本傳於四方後二年

升卿判國子監會蔡承禧御史言其他碑則唐人  
題名事以為大不恭遂罷知判監



之題固曩曩也 舊唐書東夷傳新羅王真德遣其

弟國相伊贊于金春秋及其子文正來朝春秋請詣

國學觀釋奠及講論太宗因賜以所製温湯及晉祠

碑并新撰晉書將歸國令三品已上晏餞之

金石文  
字記

唐太宗自晉祠興師定天下貞觀二十一年七月御

製碑文及銘勒石於叔虞祠東隅碑陰列長孫無忌

蕭瑀李勣張亮李道宗楊師道馬周銜名後人覆之

以亭而庸工以字畫上石稍淺遂刻而深之帝嘗自

述作書之法惟求骨力骨力既得形勢自生不意爲

庸工改鑿而骨力形勢俱失矣予嘗五至祠下輒摩

學是碑覽古興懷集少陵野老詩句文章千古事社稷一戎衣書於亭柱富平李因篤子德見而賞其工因遺書與子定交于其歸也拓銘一本贈之而書其

後

曝書亭集

碑首貞觀二十一年七月八字乃文皇飛白書飛白不傳傳者此八字耳而此本無之亦恨事也

鐵函齋書跋

按唐書本紀太宗以貞觀十九年十二月幸并州

二十年正月在并州此文當卽在是時換書而碑首題貞觀二十一年七月者殆摹勒上石在明年

七月也文云先皇襲千齡之徽號膺八百之先期

用竭誠心以祈嘉福又云無言不酬無德不報所以巡往跡蹇洪因臨汾水而濯心仰靈壇而肅志是爲高祖禱晉祠起義兵之證高祖紀大業十二年爲太原畱守時羣賊蜂起江都阻絕太宗勸舉義兵高祖乃命太宗募兵旬日間衆且一萬郡丞王威武牙郎將高君雅恐高祖爲變相與疑懼請高祖祈雨於晉祠將爲不利晉陽鄉長劉世龍知之以告高祖高祖陰爲之備是高祖禱晉祠事當卽在此時文云惟神誕靈周室降德鄠都疏派天潢分枝璇極蓋謂唐叔也唐叔封唐固有晉水改

名爲晉水經注山海經曰懸甕之山晉水出焉今  
在縣之西南其川上滂後人踵其遺跡蓄以爲沼  
沿西際山枕水有晉叔虞祠水側有涼堂結飛梁  
於水上左右雜樹交蔭希見曦景文後有云飛泉  
湧砌激石分湍縈氛霧而終清有英俊之貞操任  
方圓以成像體聖口之屈伸陰澗懷冰春雷冬鏡  
陽巖引溜冬結春苔卽指此晉水也顧亭林云其  
廟負山東面者晉水之神南面者唐叔之神宋時  
封晉水爲顯靈昭濟聖母飾爲婦人之像云云按  
此碑有云豈若高唐之廟空號朝雲陳蒼之祠虛

傳夜影蓋以高唐神女陳倉寶雞夫人爲比是在  
唐初晉水神亦女像也碑陰書從官七人曰司徒  
太子太師上柱國趙國公臣無忌卽長孫無忌也  
國太子太保上柱國宋國公臣瑀卽蕭瑀也曰特  
進太子詹事兼左衛率上柱國英國公臣勣卽李  
勣也曰光祿大夫刑部尙書上柱國鄭國公臣張  
亮曰禮部尙書上柱國江夏郡王臣道宗曰太常  
卿駙馬都尉柱國安德郡王臣楊師道曰正議大  
夫守中書令太子左庶子兼攝吏部尙書護軍臣  
馬周七人中四人不著姓三人著姓與比手墓碑

同太祖生八子第四子璋封畢王生二子長曰詔  
生一子卽道宗也貞觀初由任城王徙封江夏史  
傳標曰直稱江夏王無郡字餘人官爵碑與傳皆  
合傳稱馬周初官治書侍御史兼知諫議大夫檢  
校晉王府長史王爲皇太子拜中書侍郎兼太子  
右庶子貞觀十八年遷中書令猶兼庶子帝征遼  
畱輔太子定州及還攝吏部尙書進銀青光祿大  
夫此碑書階正議大夫及官護軍與傳不同  
稱進階及官在二十一年以後也碑云興邦建國

資懿親以化輔化輔當是作輔舟壑潛遷壑卽壑

字壑本从容深通川也从圣致力於地也此从豁  
从土殆從豁得聲

八士餘錢得財

聖藥主人春藥散代也八至輝代然此也也火器



金石萃編卷四十七

賜進士出身 誥授光祿大夫刑部右侍郎加七級王植撰

唐

淤泥寺心經幢

幢高一尺六寸五分八面四面各廣八寸二分四面各廣四寸六分共二十六行行字數不等正書在內京師城內西北隅秀峯寺

佛說般若波羅蜜多心經

文不錄

大唐貞觀式十二年三月吉日建立以三字為號

勅脩淤泥禪寺西北隅秀峯寺其末曰大觀貞觀

住持僧三藏比丘號秀峰禪師

宮官張功謹敬德監造

今在京師城內西北隅秀峰寺其末曰大唐貞觀二十二年三月吉日建立誤作三十二以三字改成式字按貞觀止於二十三年此碑疑是後人僞刻然予見兗州龍興寺修三門記宋太平興國七年刻亦以式字改成七字古人碑碣之文亦有草率若此者此碑又曰宮官張功謹敬德監造今山東河北寺院多云創自敬德或謂是尉遲敬德非也敬德名恭考許敬宗所作神道碑及本傳竝無鎮幽州事亦不當列於宮官之下也又史言尉遲敬德晚年閑居學延年

日  
術修飾池臺奏清商樂以自奉養不交通賓客凡十

六年而不聞其事佛

金石文  
字記

正之西

按此幢題記不類唐人所爲顧亭林疑爲後人僞

刻是也未題宮官張功謹敬德監造敬德或卽張

功謹之表字或別是一人姓名其曰宮官則不可

解今之京師在唐時爲幽州范陽郡在武德元年

曰燕州六年自營州遷於幽州城中以首領世襲

刺史其地去長安遼遠授官且用世襲安得有宮

官駐於此乎且又不言何官此不知何年有曾爲

宮官而流寓於此者造此幢以植福耳姑識之再

以此較聖教序心經標題上多佛說且字經中無  
無明不脫亦無無明四字又礙作尋顛作顛阿作  
賀

### 彌勒像碑

碑連額高六尺一寸廣三尺六寸分兩截書上截十  
行行三字卽洛州口河南縣云云二十九字下截二  
十一行行二十六字正書篆額  
彌勒像之碑五字在洛陽伊闕

益聞至理靈微起夫言象之口真爲眇邈口口希夷之  
口而能人降跡隨緣利現紫狀西誕則珠星奮輝白鶴  
東馳則金人入夢是口三乘之軌齊鷲八正之門洞啓  
日用之益可畧言焉自口口三千之前道光汲引塔盈

八萬之後歸口寂口口夫口口難遇口口口針人心易  
遷同茲蜀石何則釋迦現於既往仰企踵而不追亦勒  
降於將來俯翹足而難俟居前後而成鄣惟進退而莫  
口言念沉淪喟然歎息乃與同志百餘人等上願  
皇基永固配穹天而垂拱下使幽塗載曉迓彼岸而口  
昇遂於茲嶺敬造弥勒像龕一所地聳雙闕辟映千尋  
前泝清流却倚重岫縈帶口薄密迓京華似耆山之接  
玉城給園之依衛國也既資勝地又屬神工疏鑿彫鏤  
備盡微妙以大唐貞觀二十二年四月八日莊嚴斯畢  
於口尊儀始著似降毘率之宮妙相初成若在菩提之

樹白豪月照紺髮煙凝蓮目疑動菓脣似說其有禮口  
口足瞻仰尊顏者莫不肅然毛豎裕尔心開寔釋梵所  
歸依龍天口衛護彼丹青徒煥旋見銷毀金玉雖尔易  
以零落豈若回山成固同乾坤之可久刊石爲貞何棲  
谷之能貧於是勒銘龕口式續靈儀其詞曰

真如眇眇正覺巍巍四宏動念八相流輝鹿園闡法鶴

樹拂衣十方三劫異軀同歸其一口歎逸多正真道備堙

彼遐武補妓佛位兜率降神闢浮廣利淨土口啓靈門

岡闕其二思覩形容龕茲巖曲旣彫旣就將起將躡釋梵

冥感靈祇幽屬似會龍華如遊雞足其三丹巖重四清川

澆瀆松柱橫叢暉仙來往影智怖鴿手威狂烏妙色湛

然歷劫瞻仰

其四

洛州口河南縣思順坊老幼等普爲法界敬造彌勒

像一龕在此碑下近東

此二十九字分作十行大書于額下

右洛州思順坊老幼造彌勒像龕記字畫秀整有虞

歐法度而不署姓名唯彼徒兩字俱從人旁爲異爾

題名稱清信女者數人皆姓而不名蓋女而未嫁者

潛研堂金石文跋尾

碑分四格上層篆額次層正書額中層銘文下層造

象人姓名唐初字體猶有六朝遺意然別字最多至

虞褚柳顏始大變其格字亦審正以此知同文之徵  
盛世之事也故許君序說文云諸侯力政不統於王  
言語異聲文字異形文字之傳可以觀世變矣此碑  
寫斲爲斲者爲耆鑿爲鑿備爲備微爲微果爲菓凝  
爲凝豎爲豎豁爲豁彼徒俱从人儀从彳刼从刃叢  
作叢皆別字玉篇有彼字云邪也蓋以爲頗字今此  
以爲彼岸字則卽彼無疑云白豪月照豪不从毛是  
正字云松柱櫨叢按爾雅灌木叢木詩集于灌木傳  
灌木叢木也孔穎達引李巡曰木族生日灌陸德明  
爾雅正義作櫨云字又作灌此云櫨叢以証陸氏之





法□□□如欲化民成俗致遠鉤深非博□□以究其  
源非□□□以宏其□□□聖□□□□□之範  
固軼□□而驤首超賈□□而矯翼見之祭酒曲身憲公  
矣公諱穎達字冲遠□□衡水人也若□□□□□□  
帝寧區夏以干戈定樂□□□□□□□□□□  
□□□令譽□□□□□□□振力聲□□鼎可謂長  
源眇眇將□水而俱遙曾構巖巖與削成而共峻其□  
公侯載惠簪紱連暉□在縑緗可得而略曾祖靈龜魏  
國子博士□應□之□□馳譽□□□□□之□□飛  
英庠序□□魏治□待御史□□□□權□□之屏跡

任司□□風俗以之肅□父□□□州法曹叅軍輕重  
之□情在公□大小之獄心敦寬簡公蘊靈□智□□  
□和□□薦□之□駿□□□之足庭羅俎豆□□升  
降□儀□□驟□□□□大之操□韜□□覃思邁於  
西河學富□渠沉研冠於東□詞光翰苑文麗綵虹思  
極揆天才華日□蹈忠□以行已踐仁信以□身□漢  
皇之□□□照□之□□□□□重連城之  
□聞之者□面而虛□見之者忘言而傾蓋□謂□宗  
之□□□□之□□者焉昔大業騰圖□開橫塾賣帛  
而徵□□□□而辟□□□□□□□□槐市□

□□□□□□□□□□苞□□□牢籠□□□

育□□足使伸遠伏□□□道□以□□□□□

紀地□□濫觴屈此高才□□□□家授□□□博

士尋除太學助教□□□□□□□□□□□□

□□□□□□□□□□□□張比□祭之寓蹟

□□同□□之銷聲既以□□尙阻還蜀無由暨六合

同文八紘□□既□□□之□遂□□□之遊□□□

□□國公□□□□□□□□□□監永興公爲□府文

□館學士□□學博士東膠西序講肆於是重興□□

□□□□於茲□□□□□□國子博士膏梁□□舉□



□□劉□謝特蒙恩□□□增□□散騎常侍□□  
 庶子兼國子司業□□□制禮作樂□□不用於是□  
 □多□□□刪定□大戴小戴之外錯前鄭後鄭之□  
 疑往□之所不□□□之□□□公剖茲□節鍼此膏  
 肅足使儀刑□□□澤王化□成□□□□賞進  
 爵為□□□□□賜物二百□□□以公□□副□□  
 進讜言□左庶子黎陽公特蒙恩詔□賜黃金一斤  
 絹一□□□十□年除國子祭酒東宮侍□封如故□□  
 卿名□齊□膺茲寵命□□道光□□□□殊□公乃  
 再振頽風重宏□□□□□盈於家室頌聲彰於國朝

十□年 □駕幸學親觀釋奠公□□□流才□六藝  
夔倫之所鑽仰□惠之所□崇 詔公□於講筵□□  
□□連□暫□□□□其談□英辯一□□□慙其河  
瀉下帷博學□戶多□□舉雲梯□□□戟公金湯□  
固樓雉難攻遂使□□倒戈□春反旆宿疑舊□□順  
冰銷□□ 神衷□□□□悠悠□□□見斯□□  
畢□□□□□□文豔雕龍將五色而□彩韻諧□鳳  
與八音而同節逸思掩於□□□藻超於□□□□  
勅□□□表讚其書曰□□并 □上釋奠□殊爲□□  
□□□□清詞爛其盈□□□□□逸氣□已凌雲驪

金石錄卷四十一  
□九重不足方斯綺麗□□五彩無以比其鮮華楊雄  
揆□高蹤□遠黃□□□□□□□□□□□□□□□□  
□昔強秦之末政教□遲縉紳以□□□墳典以爲灰  
夷逮炎漢□□□□□學憲章斯□□藝□□□□三  
國迄于晉宋□□□可略而言之近□隨□將謂天下□  
□□□□□□□□鑑□□隨□□愴恨朕少逢□  
□之□長遇干戈之□□□茲宸極執□璇璣□阪泉  
□□之功□□之矣靈□□靡之德則未可庶幾雖然  
亦常有意乎雕蟲存心□□□開獻書之路□□□  
賢□□蒲輪亦以多矣□學謝□□文慙□□□□□



□□春言□□□國老求於□庠庶老□於□□聽廣  
論而□□導深義而□□洪□待扣扣無不應幽谷發  
聲聲無不□□□□□□□□□□□□□□□□□□□□  
早□□□□□羅百氏□□□□□□□□□□□□□□□□  
西□□□□起□□方今濟南□□□重興□茲□□□□□□  
□於纒帙□□□遍於青衿翰苑詞林□其□□□□□□  
□□□□□□奉□勅□撰五經義疏公博極羣書遊□  
衆藝削前□□之紕繆□往哲之□□□萬□□之儀刑□  
一□之標的□□勅□名□經□義□國子監施行賜  
物三百□公敦□□□之□是追□□□之鳴言□請歸□

優詔不許□□聞奏始蒙□□□貝防閤□□□  
又使中書令□□□□□問榮寵之極曠古罕□  
□世望於□陽□□公□之□□□功於日觀□□司  
□□□□□□□□□光□□□木□夢環海□□□  
千月之□以□□□□□□□□□□□薨於萬□縣平  
康里第春秋□十有□□感□□□□□□□魏□  
之惜□□□晉人之傷衛玠□□□□□□陪葬□  
昭陵喪事所須率由官□□□□□□□公礼也□  
□遺老陪□陵而起墳□□□□□臣□□陽而卜□□  
□□隔代同榮惟公氣稟五常道□□□得孔甫之具

體惣□□□□□□□□之奇書探牘索隱東館南  
宮之逸□□□□□□□□於□□無□□□□之□□  
□□於□□不假張□之□道□□□以賤貧而易□  
行□□無以權□而□介志□耿介性□□□□□  
之謙□□宋宏之方□推賢進□後已先人舉事而□  
□□□□而成準的乃□□之翹楚□□之□□□□  
將創□□□□□□□□□□□異端公扞摭舊  
□□章故實刪裴□之制□□蔡□之節文酌今古之  
儀得豐儉之□□衣博帶□不□□□觀之始□鞞□  
□□□樂□□□□□□□□□□□□□□□□□□

□□□□小雅之詩□□刊定奉□□修隋史五十□  
□□□□五經正義□□□□十□邁南董於曩□逾  
孟慶於□書□□闡□□□□□□□□□□□□  
□□此未奇□□□□□□帝□□尚□□制□□振□  
臺□□創□□□□稷嗣以□方□□□□□豈謂食新  
爲災夢乘成□□剪之藥無效齊鵲之言□□遂□山  
陽之□□□長□之□□宮之□□□□□之聲□子  
□□□悲□□□山□□□□而無期□極□□對風枝而  
□慟□鐘律易□陵谷難常昔□氏□□□傳三□楊  
□□執長勒四碑敬陳伐閱樹之□□□□□□

口赫口口口口崇口鸞鳥降神口口口口惠口温室口  
光闕里口口口口芳流偉史誕生令哲口準絕羣百口  
挺秀九畹騰芳口口口略囊括邱墳凌雲緝藻口口口  
口口口羣籍網羅口口口邁口口思窮五際口口名口  
錙金口繫藻口潘言口口孫筆世尚口口時敦學植賓  
鴈成行翹車轉軾金馬口口辟池攝職口口口風口  
口詠惠飛纓口口口口口口口口三口獻書  
口口口口口闡六學口口百察官冕口口口口石口殲  
口口矣口口口哉智囊坐嘶白馬墳瘞黃腸九泉雖閱  
千載名揚

右孔穎達碑于志寧撰其文磨滅然尙可讀今以其  
可見者質於唐書列傳傳所闕者不載穎達卒時年  
壽其與魏鄭公奉勅共修隋書亦不著又其字不同  
傳云字仲達碑云字冲遠碑字多殘闕惟其名字特  
完可以正傳之繆不疑以冲遠爲仲達以此知文字  
轉易失其真者何可勝數幸而因余集錄所得以正  
其訛舛者亦不爲少也乃知余家所藏非徒玩好而  
已其益豈不博哉

集古錄

右唐孔穎達碑于志寧撰世傳虞永興書據碑云穎  
達卒於貞觀二十二年時世南之亡久矣然驗其筆

法蓋當時善書者規摹世南之書而爲之者也

金石錄

孔祭酒碑世傳虞永興書非也冲遠之沒迺後伯施十年豈非當時學永興法者耶然筆勢迺媚亦自可

珍

東觀餘論

碑半沒土中年壽字半泐隱隱可讀云貞觀二十二年六月十八日薨春秋七十有五然則歐陽公所有碑與今碑略同數百年間豈無剝蝕之災且昭陵諸碑多不可讀而孔公碑獨尙如此或公有功於六經而鬼神呵護之耶

石墨鏤華

孔穎達碑螭首嵌空處有至正四年三月顧游特看

此碑墨書十四字趙峒子函云在泥土中拂拭之如  
新子函見時爲萬歷戊午溯至正甲申已二百七十  
五年而墨書無恙斯足奇也

金石錄補

碑已磨泐可識者僅二百餘字石墨鏤華所云貞觀

二十二年六月十八日薨春秋七十有五已不可識

矣明苟好善作醴泉志云孔穎達碑存字千時崇禎

十一年也相去百餘年頓失八九好古者所宜亟爲

保護者也按金石文字記孔穎達碑作貞觀十六年

集古錄云二十二年與石墨鏤華合宜從集古

雍州金石

記



右曲阜憲公孔穎達碑新舊書本傳竝云字仲達宰相世系表則云字冲遠碑雖曼患而冲遠字特分明表所書二代名諱官階盡與碑合汲古閣本脫穎達一格監本初不誤也穎達長子名志元碑與表同而傳但作志蓋宋人避諱去下一字然傳諱而表不諱它傳於元字亦多不避當時史官非一手無素定之例故也

潛研堂金石文跋尾

按此碑文凡二千五百餘字集古錄已云字多殘缺石墨鏤華猶及見薨年月及春秋七十有五今已盡滅然雍州金石記云可識者僅二百餘字今

所見本尙存一千六百餘字何多寡之數若此豈  
摹搨人工拙懸殊耶碑但有搨人無書人亦無立  
碑年月碑書撰文者于志寧題銜云禮部尙書兼  
太子左庶子上柱國黎陽口開國公于志寧字仲  
謚撰撰人書名及字與蜀王師蓋府君碑同然彼  
碑云字處謚此云仲謚舊唐書傳不著字新書傳  
及宰相世系表皆云字仲謚與此碑同則當從仲  
謚爲是也黎陽下關一字是縣字舊唐書于志寧  
傳貞觀三年加授散騎常侍行太子左庶子累封  
黎陽縣公十四年兼太子詹事明年以母憂解高

宗爲皇太子復授太子左庶子遷侍中永徽元年  
加光祿大夫進封燕國公此碑尙是黎陽縣公則  
卽貞觀二十二年葬時所立新書傳則云晉王爲  
皇太子復拜左庶子遷侍中加光祿大夫進封燕  
國公晉王爲皇太子乃貞觀十七年事而此碑在  
二十二年猶題黎陽則新書傳未晰也又碑題禮  
部尙書兩唐書皆不載亦畧也舊唐書傳云孔穎  
達字仲達冀州衡水人也祖碩後魏南臺丞父安  
齊青州法曹參軍穎達隋大業初舉明經高第授  
河內郡博士時煬帝徵諸郡儒官集於東都令國

子秘書學士與之論難穎達爲最時穎達少年而  
先輩宿儒恥爲之屈潛遣刺客圖之禮部尙書楊  
元感舍之于家由是獲免補太學助教太宗平王  
世充引爲秦府文學館學士武德九年擢授國子  
博士貞觀初封曲阜縣男轉給事中六年累除國  
子司業歲餘遷太子右庶子仍兼國子司業與魏  
徵撰成隋史加位散騎常侍十一年又與朝賢修  
定五禮進爵爲子庶人承乾令撰孝經義疏太宗  
以穎達在東宮數有匡諫與左庶子于志寧各賜

黃金一斤絹百匹十二年拜國子祭酒仍侍講東

宮十四年太宗幸國學觀釋奠命穎達講孝經上  
釋奠頌手詔褒美與諸儒受詔撰定五經義訓凡  
一百八十卷名曰五經正義付國子監施行十七  
年以年老致仕十八年圖形於凌烟閣二十二年  
卒陪葬昭陵贈太常卿謚曰憲新書傳同後附子  
志終司業志子惠元又爲司業累擢太子諭德三  
世司業時人美之此皆可與碑參校補闕也穎達  
撰五經正義自序稱周易十四卷與朝散大夫行  
太學博士馬嘉運守太學助教趙乾叶等對共參  
議詳其可否至十六年又奉勅與前修疏人及給

事郎守四門博士上騎都尉蘇德融等對勅使趙  
宏智覆更詳審爲之尙書二十卷與朝散大夫行  
太學博士王德韶前四門助教李子雲等謹共銓  
叙至十六年又奉勅與前修疏人及通直郎行四  
門博士驍騎尉朱長才蘇德融登仕郎守太學助  
教雲騎尉隨德素儒林郎守四門助教雲騎尉王  
士雄等對勅使趙宏智覆更詳審爲之毛詩四十  
卷與王德韶徵事郎守四門博士齊威等對共討  
論辨詳得失至十六年又奉勅與前修疏人及趙  
乾叶登仕郎守四門助教雲騎尉賈普曜等對勅

使趙宏智覆更詳正禮記七十卷與中散大夫守  
國子司業朱子奢國子助教李善信守太學博士  
賈公彥行太常博士柳士宣魏王東閣祭酒范義  
頽魏王參軍事張權等對共量定至十六年又奉  
勅與前修疏人及儒林郎守太學助教雲騎尉周  
元達儒林郎守四門助教雲騎尉趙君贊王士雄  
等對勅使趙宏智覆更詳審爲之春秋三十六卷  
與朝請大夫國子博士谷那律四門博士楊士勛  
朱長才等對共參定至十六年又奉勅與前修疏  
人及馬嘉運王德韶蘇德融隨德素等對勅使趙

宏智覆更詳審爲之據新唐書藝文志五經正義

周易十六

此誤舊書十四卷與序同

卷國子祭酒孔穎達顏師

古司馬才章王恭馬嘉運趙乾叶王談于志寧等

奉詔撰蘇德融趙宏智覆審尙書二十卷孔穎達

與王德韶李子雲等撰朱長才蘇德融隨德素王

士雄趙宏智覆審太尉揚州都督長孫无忌司空

李勣左僕射于志寧右僕射張行成吏部尙書侍

中高季輔吏部尙書褚遂良中書令柳奭宏文館

學士谷那律劉伯莊太學博士賈公彥范義頤齊

威太常博士柳士宣孔志約四門博士趙君贊右



內率府長史宏文館直學士薛伯珍國子助教史  
士宏太學助教鄭祖元周元達四門助教李元植  
王真儒與王德韶隨德素等判定毛詩四十卷孔  
穎達王德韶齊威等撰趙乾叶賈普曜趙宏智等  
覆正禮記七十卷孔穎達朱子奢李善信賈公彥  
柳士宣范義頽張權等撰與周元達趙君贊王士

雄趙宏智覆審春秋三十六

舊書誤作  
三十七

卷孔穎達

楊士勛朱長才撰馬嘉運王德韶蘇德融與隨德  
素覆審此五經正義新唐書所載判定姓名與自  
序詳畧不同蓋其精審如此故能獨有千古而碑

於此事文既簡畧復多缺泐因詳記於此唐書宰相世系表下博孔氏出自關內侯福七世孫郁後漢冀州刺史生揚下博亭侯子孫因居焉七世孫靈龜後魏國子博士生碩後魏治書侍御史碩生安齊青州法曹參軍碩與安卽穎達之祖父也穎達子志元志約志亮志元子惠元惠元子立言脊言新書傳惟有志元一人而但著志字碑則志元已泐然潛研猶及見之穎達薨於貞觀二十二年年七十五推其生在北齊後主武平五年煬帝大業初年僅二十餘傳故云穎達少年先輩宿儒恥

爲之屈也碑云薨於萬口縣平康里第縣名闕一字以臆度之當是雍州京兆郡之萬年縣也傳稱上釋奠頌手詔褒美今碑中節取其文約三百餘字惜闕泐難卒讀也碑書灰燼作灰婁省文也闕閱作伐閱借用字又墓上又一石題唐國子祭酒孔公墓八字隸書石高三尺六寸字徑八寸無年月當是後人所題附記于此

### 太宗哀冊文

喪本高廣行字皆不計正書

維貞觀廿三年

歲次己酉五月甲辰

朔廿六日己巳

大宗皇帝

崩

于翠微宮之含風殿旋殯于大極殿之西

階粵八月庚子將遷坐于

昭陵禮也鳳紀疑秋龍

帷將曙

溢

化同軼綿區縞素哀子嗣

皇帝

覽風

樹而增感攀銅池而拊膺迫

宗祧之是寄傷

往

駕之無憑奠樽盈而悲序促靈景翳而愁雲興去劍滋  
遠清徽方闕爰詞司存傳芳瓊字其詞曰

三微固祉五曜垂文光昭司牧對越唐勛族著靈牝家  
傳縉雲 高祖配天一人有慶 大行神武維幾

作聖良書自得高文成性夙表餘雄先懷反正蒼咒爰

發朱旗首令環瀛昏墊關洛荒蕪妖傾地軸盜弄乾樞

戎衣光啓霸政去暮天兵電照月陣風驅蚩尤遞翦獍  
獍咸誅閔位不虔餘分興戾先收秦組次焚商袂轉圓  
上略容光下濟徒邑垂仁賓門灑惠脩風順軌凝晷奉  
睿青辰同規蠶珠叶契發揮三五聲明遐裔泛野休  
兵靈臺偃革升巖藏銑遵河奉璧學肆徐輪丘園散帛  
就日攸宜如天在斯刑哀動植化美墳篋樂華曾舉禮  
葉旁垂沙塲磬翦斗極咸羈狼山入罔瀚渚歸池東旌  
若木西旆條支龍鄉委畫烏服來儀大矣乘時悠哉利  
見文龜浮沼應龍在淀滴露飛甘卿雲呈絢松蕙望幸  
瑤華方薦仙丹斲術星飛告變凝沘氣於升年掩瑤暉

於離殿嗚呼哀哉商管初秋飛絃罷俗驚川悠緬宮車  
晏出大隧弗營元龜獻吉展輪効駕羲和司日迫靈  
心於將餞痛皇情其如失凝清秋於廣路迴悲風  
於長術經柏梁而徐轉邁蘭池而從蹕聳輕旛之  
逶迤動邊笳之蕭瑟嗚呼哀哉周營甫竊漢啓泉闕穀  
林搖落橋巖變衰平原淒兮白日遠深渚澹兮秋雲飛  
覽銅爵而興慕傷鼎湖之不歸嗚呼哀哉峭陵壘壤隅  
山窮路虛衛翻英輕池委素羲庭易晚松陰難曙萬方  
悲而雨泣三靈慘而雲浮嗟厚德之長違仰高天而攀  
慕嗚呼哀哉崇基永煥置業方昭遺風餘烈天長地遠

想 出神襟而騰茂縱史筆而揚翹籠嘉聲於日月終

有裕於唐堯嗚呼哀哉

按唐太宗哀冊文唐文粹署爲褚遂良撰明時吳江史明古得褚書真蹟藏之後歸王元美用以上石今從其本鈔出與唐文粹互勘首行維貞觀廿三年下石刻空八字文粹云歲次己酉五月甲辰又崩于翠微宮石刻塗去崩字殯於太極殿帖脫殿字溢化同軫帖闕溢字夙表餘雄帖闕餘字遡悲風於長術帖脫術字此皆可據文粹補也宋景濂跋謂首闕八字疑非真蹟不知八字之外更脫

四字尙未深考又鳳紀疑秋文粹作鳳管凝和悲  
序促文粹作悲緒促天兵電照文粹作天兵電掃  
義和司日文粹作端圭司口凝清秋於廣路文粹  
作凝秋林於廣路又義庭易晚四句文粹約爲二  
句云堯門閉而日慘義庭易而雲呀此皆文義之  
可通者宜兩存之至石刻云太宗皇帝崩於翠微  
宮之含風殿旋殯於大極殿之西階

兩大字  
皆同太

粵八

月庚子將遷坐於昭陵文粹太宗作大行舊唐書  
太宗紀八月丙子百寮上謚曰文皇帝廟號太宗  
庚寅葬昭陵則當上哀冊之時已有太宗之號帖



作太宗似合禮制然玩文氣下稱崩於翠微宮則上稱大行皇帝與文粹所載前後各哀冊之例同且本篇後有大行神武句與高祖配天相承不曰太宗而曰大行則文粹爲不誤也玩石刻二處本皆大行字於行字塗改作宗字吳匏菴跋云蓋嘗有獻入前代御府者故并崩字皆塗改耳翠微宮在終南山雍錄云武德八年造名太和貞觀二十一年改翠微冊府元龜翠微宮視朝殿名翠微殿其寢殿名含風殿太極殿在西內太極宮卽隋之大興宮也唐六典云太極門內曰太極殿朔望則

坐而視朝焉隋曰大興殿武德元年改太極殿舊唐書高祖紀隨遜於舊邸改大興殿爲太極殿高祖卽皇帝位於殿中終南山在城南五十里據太宗紀貞觀二十三年四月己亥幸翠微宮五月己巳崩於含風殿秘不發喪夫行御馬輿五十里而入西內太極殿也紀稱八月庚寅葬昭陵是月癸酉朔葬日庚寅爲十八日則庚子遷坐在廿八日兩唐書禮志無葬後遷坐之文哀冊藏於元宮是葬前所制何以葬後十日行遷坐禮而猶謂之哀冊文也文粹所載前後諸帝后哀冊皆云某日遷

坐於某陵稽其日正葬日也方悟所謂遷坐者卽是請大行赴山陵之辭別無遷坐之禮也然紀稱庚寅葬而文用庚子則疑不能明矣高祖配天是推原王業之所由起正對下大行神武而言文粹作高配於天誤也蒼兕爰發文粹作蒼兕本史記齊世家武王東伐尙父誓師有蒼兕蒼兕總爾眾庶之語石刻誤也徙邑垂仁卽改邑不改井之義文粹誤作徙邑遵河奉壁石刻誤作奉壁瀚渚歸池指東伐高麗事猶言海渚也文粹誤作潮渚龍鄉委賚廣韻賚琛財貨也會禮也猶獻琛之意文

粹誤作委責仙舟斂術似本莊子藏舟於壑語唐人碑誌多用以喻形骸斂藏之意文粹誤作劔術石刻誤作仙丹商管初飛秋絃罷侑文粹飛秋二字誤爲倒互輕池委素文粹作輕馳委素對上句虛衛馭英則馳字爲確蓋石刻與文粹各有摹勒傳寫之誤因訂正之如此

太宗賜孫真人頌

碑高五尺廣二尺五寸頌三行行十一字正書徑四寸後跋十行行四十六字亦正書在耀州五臺山

唐太宗賜真人頌

五泉閑客揚聰書

鑿開徑路名魁大醫羽翼三聖調和四時降龍伏虎拯  
衰救危巍巍堂堂百代之師

方外友華下李濟道好古有爲之士也以西先師居  
有唐孫真人舊隱殿堂歲久損壞完復一新凡碑  
刻缺裂不完者必移之他石在觀有大定癸卯間縣  
宰完顏宗壁所書唐太宗賜真人頌碣火裂而損  
甚將移之未暇癸卯歲郡人駱志全禮山主李公入  
道山居忽以數力擡昇而來告曰不幸雙目暴尔失  
明又反胃飲食不納苦楚不禁唯自盡可免濟道止  
之曰人之疾苦必以藥餌救料又有祈請之事况

真人醫術冠絕唐代所畱方論後人用之無不獲効  
今遺象在堂若誠心禱之豈無應驗志全敬受教置  
水一鉢於真人前銘心致禱以水煑粥食之不反  
吐粥食漸進不兩旬疾漸平志全愈加誠敬一日卧  
北窗下告之道伴曰我見窗櫺上白四指許所見日  
加一月後兩眼復明一方驚歎四月初濟道過舍而  
請曰將移頌石敢告數字以識歲月備道前事予歎  
曰有是哉異聞也其可隱乎因記移頌表而序之以  
告來者庶乎共知真人靈驗唐皇所賜之頌非虛

美也嘗乙卯歲四月上旬谷口遺老邳邦用謹述

宣授耀州太守李魯孫 同知趙彥 華原縣令王

其祥 丙辰年重九日觀主質真老人李素舟立石

宣差京兆府路副都總管劉尙 前耀州太守王浩

清安老人楊素一助緣 南陽逸士張志和刊

孫思邈福壽論不欺也

碑高四尺廣三尺橫列四層各三十三行行十二字正書在耀州五臺山

福壽論不欺也人之福壽不欺也達而論其命也

唐處士孫思邈撰

聖人體其道而不爲也賢人知其禍而不欺也達人斷

其命而不求也信人保其信而靜守也仁者守其仁而

廉謹也士人謹其士而謙敬也凡人昧其理而苟非爲也愚人執其愚而不憚也小人反其道而終日爲也福者造善之積也禍者造不善之積也鬼神蓋不能爲人之禍亦不能致人之福但人積不善之多而煞其命也富貴者以輕勢取爲非分也貧賤者以佞盜取爲非分也神而記之人不知也

夫神記者明有陰籍之因又按黃庭內景云夫人有方餘神主

身三尸九蟲善惡童子錄之奏上况有陰冥之籍也愚痴之人神不足神有餘者聖人也亦不可一

二咎而奪其人命也亦有爵被人輕謗及暴兒貶黜削其名籍遭其橫病者多理輔不法所致也理輔不正不死者其壽餘祿未盡也正理輔而死者算盡也貧者多



壽富者多促貧者多壽以貧窮自困而常不足不可罰  
壽富者多促而奢侈有餘所以折其命也乃天損有餘  
而補不足亦有貧賤飢凍曝露其屍不葬者心不吉之  
人也德不足是以貧焉心不足是以死焉天雖然不煞  
目取其斃也不合居人閒承天地之覆載戴日月之照  
臨此非人者也故有官爵之非分車馬之非分妻妾之  
非分已上謂之不仁之非分也有屋宇之非分粟帛之非分衣食之  
非分貨易之非分已上謂之不儉之非分也則神而記之三年五年  
十年二十年不過此過此神而追之則死矣官爵之非  
分者崎嶇而居之賄賂而得之德薄而執其位躁求而

竊其祿求其躁取而必強強而取之非分也卽有災焉  
病焉死焉神已記之人不知也車馬之非分者市馬悛  
其價而馬欲其良水草而不時鞭勒而過度奔走而不  
節不知驅馳之疲不知遠近之乏不護峻阻之路畜不  
能言天哀力竭此非分也神已記之人不知也妻妾之  
非分者所愛旣多費用必廣淫佚之道必在驕奢金翠  
之有口蘭膏之有棄惡賤其紋綵厭其珍羞人爲之  
難余爲之易人爲之苦余爲之樂此非分也神已記之  
人不知也童僕之非分者以良爲賤以是爲非苦不憫  
之樂不容之寒暑不念其勤勞老病不矜其困憊鞭撻

不問其屈伏陵辱不問其親踈此非分也神已記之人  
不知也屋宇之非分者人不多而構其廣厦價不厚而  
罰其工人以不義之財葺其無端之舍功必至節必明  
斤斧血力木石勞口神不知環堵之貧蓬戶之陋此非  
分也神已記之人不知也粟帛之非分者其植也廣其  
獲也勞其農也負其利也倍畜乎巨廩動餘歲年盜賊  
之騫糜雀鼠之巢穴及乎困農負債利陷深冤此非分  
也神已記之人不知也衣食之非分者紋綵有餘餘而  
更製箱篋之無限貧寒之不施不念保露之凌寒布素  
之不足以致蠹魚鼠口香豕腐爛此非分也神已記之

人不知也飲食之非分者一食而須其水陸一飲而聚其絃歌其食也寡其費也多民之糠糲不充此以臆臆有棄縱其僕妾委擲泥塗此非分也神已記之人不知也貨易之利厚不爲非分利外尅人此爲非分接得非常之利者祥也小人不可以輕而受之其所鬻者口所口者貴彼之愚而我之賊賊而得之者禍也倖而得之者災也分而得之者吉也屈而得之者福也夫人之死非因依也非病瘵也蓋以積不仁之多造不善之廣神而追之則矣人若能補其過悔其咎布仁惠之恩垂憫恤之念德達幽冥可以存矣尙不能逃其往負之災不

然者其禍日多其壽日促全之得盈福之已竭且無善  
之富而屬共之上之困焉下之喪焉如此者於我如浮  
雲不足以爲富也人若奉陰德而不欺者聖人知之賢  
人護之天乃愛之人以悅之鬼神敬之居其富而不失  
其富居其貴而不失其貴禍不及也壽不折矣攻劫之  
患去矣水火之災除矣必可保生全天壽也

福壽論

耀州五臺山

靜明觀主質真老人李素舟伏見

真人福壽論雖載於

道藏而少見行於世者又憫

其時人而積善者少而積惡者多故以此論勉諸石

庶廣於世而不泯絕抑使後之見聞者改惡從善者  
耳歲在丙辰秋九月望日觀下李素美毛素一

曹素圭

同志和

駱志全

葉志英

秦志一

王志慧

王志安

鄭志安

李志松

羅志遠

劉德童

師堅童同立石

金天壽

助緣人

池陽清安人揚素一

雲陽縣湛然逸士

淡坤

前同官縣令揚茂

清真子似志榮四五泉

閑客揚聰書丹

南陽逸士張志和刊

按太宗賜孫真人頌及孫思邈福壽論碑皆元人

揚聰書一刻於丙辰年重九日一刻於丙辰年九

月望日二碑之立先後僅距六日耳丙辰爲元憲宗嗣位之六年碑在耀州五臺山孫真人祠陝西通志五臺山在耀州東三里自唐簡陵折而西北一峰特起曰鑑山下有五峰蓋真人孫思邈隱居地有大元洞或云真人療龍處下有聚虎坪卽真人伏虎處此太宗賜頌所云降龍伏虎者也又大元洞西有洗藥池爲真人洗藥處又洞東北八里爲真人故宅此孫真人祠之大槩也唐書隱逸傳孫思邈通百家說善言老子莊周居太白山隋文帝以國子博士召不拜太宗初召詣京師年已老

而視聽聰瞭帝歎曰有道者欲官之不受顯慶中  
復召見拜諫議大夫固辭上元元年稱疾還山思  
邈於陰陽推步醫藥無不善初魏徵等修齊梁周  
隋等五家史屬咨所遺其傳最詳永淳初卒年百  
餘歲其孫溥後爲蕭丞思邈事蹟見於史者如是  
而已未嘗載有太宗賜頌之事此所刻頌語有可  
疑者如曰羽翼三聖不知其何指思邈生于周長  
于隋入唐則歷高祖太宗高宗三朝在隋文時雖  
召以官不得言羽翼且太宗亦不得稱隋文爲聖  
在唐三朝太宗是第二世安得遂有三聖之稱明



係後人頌思邈之辭而謂其經歷三朝也又唐世  
諱虎字太宗不得直用降龍伏虎字尤爲明證  
書傳列思邈於隱逸祇叙其抱道不仕無一語

神仙事實則未嘗以真人目之其所著千金方玉  
金翼方等書唐書藝文志祇稱之爲孫思邈撰至  
道藏載其書始冠以孫真人之號真人之封始于

宋崇寧二年三月境內不雨知軍州事王允中詣  
祠禱雨有應請于朝賜廟額曰靜應勅封妙應真  
人有碑見後卷則太宗賜頌必是宋時道流僞

惟思邈所撰福壽論一篇

孫真人祠記作福壽論三卷與此異李妻

舟跋謂載於道藏少見行世今檢道藏羣字號載  
福壽論與靈信經旨同卷題曰唐太古妙應孫真  
人述則思邈封號又加太古二字矣兩碑俱元刻  
福壽論錄之足以勸世太宗頌雖不能確信亦附  
存之思邈入唐被召在太宗朝因並附太宗之末  
書者楊聰無攷

于師德等造像記

石高二尺六寸七分廣一尺七寸五分  
十五行行二十二字正書在洛陽龍門

淳于敬一制文

像主王師德成伏德夏侯雅沈端一七公賈

劉客僧許士政封遐張荀子徐口朱懷成難陔劉倫劉  
君口賈奴奴程徹張徹張桂張表毛天生張端王愛

竊聞無上慈尊隨緣演教廣開方便汲引羣迷故知極  
彼浮泡救斯沉溺若不示跡現容凡生何以歸仰爰暨  
夢靈西照象法東流或斲玉摸形或刻檀爲質今有洛  
陽鄉望父老等卅人並修因往劫生在太平思念大醒  
無猶得覩遂謹於此堪敬造尊儀因山之固鑿瑩真容  
藉此庄嚴同希浮境庶使城空芥盡福智常流劫石衣  
銷法輪恒轉不因刊勒何以口功冀盛德長存芳徽永  
著其上資皇家下沾靈識詞曰

口理幽鑿真趣無形相有分別事口化城鄉中高士邑  
口達人心樂三寶情捐六塵優遊智岸菴芙蓉法津愛口  
斯口口口方新子夏燕動飛空花盡歸時常無礙口

大唐永徽元年建造

碑文寫斲爲斲檀爲檀儀爲儀庶爲庶皆別字云菴  
芙蓉法津可証菴芙蓉卽從容譎字本草經有肉菴芙蓉  
普曰一名肉松容漢人芙蓉字多作夫容是菴芙蓉非

古字明矣碑碣之文可知字體之變往往如此

中州金石

記

馬周碑

馬周碑

碑文寫斲爲斲檀爲檀儀爲儀庶爲庶皆別字云菴芙蓉法津可証菴芙蓉卽從容譎字本草經有肉菴芙蓉普曰一名肉松容漢人芙蓉字多作夫容是菴芙蓉非古字明矣碑碣之文可知字體之變往往如此

碑連額高九尺八寸廣四尺四寸三十七行下截剝  
蝕每行約六十五字隸書額題大唐故中書令高唐

馬公之碑十二字篆  
書在醴泉縣昭陵

蓋聞闕而不闕之闕之闕同闕神凝物表久

抗梁甫之吟運拒闕來思效扶搖之舉方闕域闕

下省修起居注超綜國言虔司帝舉良直之道驟簡

宸心貞觀六年闕無競惟人八年擢授承

議郎行侍御史頃之加位貞外散騎侍郎仍行本

闕二年轉守中書舍人久之遷持書侍御

史黻纓西掖潤闕元紱以申闕南闕

闕下淳贊端拱之闕元猷將致五刑之厝弥





詔贈高唐縣開國公食邑一千戶恩兼□□禮□□□

□□□□□□□□□□□□□□□□□□□□下書贈幽

州都督高唐縣開國公馬周宇量沖深思用韻舉昔佐

藩邸□□兼隆逮□□□□□□□□□□□□□□□□

下官申旌壤之義兼加延賞之恩可贈尚書右僕射餘

官封如故其子□□朝散郎□□之□恩□□□□□□

□□□□□□□□□□下夷蘭神情朗晤天經地義基

百行以立身觀隩升堂包四科而敬業蕪□□量□□

□□□□□□□□□□□□□□□□下高步文昌之右

體無私於雨露隨方被霑沐之歡燮大造於陰陽稱物



□平公之施□□□□□□□□□□□□□□下明故得任

切近機榮躋上秩附蟬留影用表高潔之姿行馬□□

□□□□□□□□□□□□□□□□□□□□□□□□□□

下知至是焚之式苻藏用危纒逾迫無忘致美之心隅

燭旣陳猶□□□之節□□□□□□□□□□□□□□

□□□□□□□□下陰德無爽緝丕措以增遙契奪金

蘭幾凝悽於宿草芳留玉樹足慰□於□□□□□□□□

□□□□□□下□□□□□□□□□□□□□□□□□□□□

姬御疇庸趙城開國望高秦右聲馳魏北弈綦提休蟬

□□德靈慶斯遠芳□□□□□□□□□□□□□□□□□□

□□□□□  
下關滄茶思越純慮冥感至情天發□除纖

編乃綜緹湘弋獵□□隱□文□□□□□□□□□□

□□□□□□□□□□  
下關雲幄累綜霜臺清襟月湛

朗議霞開黃扉夕拜紫禁朝陪簪纓□□□廟登材□

□□□□□□□□□□□□□□□□  
下關墳簫歲寒

增勵夙夜無虧望竦鶴關榮昭螭冕推轂謀暢持衡譽

□□□□□□□□□□□□□□□□  
下關贈□陵

歸□畢□式陳容衛載光窳窳捨玦哀盈投□慕積

釣臺□□□□□□□□□□□□□□□□□□□□□□

□□  
下關□□□□□□□□□□□□□□□□□□□□□□

此碑在大道傍周墓前殘闕爲甚存者僅四百餘字  
非篆額字存幾不知爲馬周碑今摩碑者多不摩額

是一恨也

石墨  
鏤華

周以貞觀五年爲中郎將常何薦令直門下省修起  
居注六年拜監察御史擢給事中八年行侍御史加  
員外散騎侍郎十二年轉中書舍人十五年遷治書  
侍御史兼知諫議大夫檢校晉王府長史十七年拜

中書侍郎兼太子右庶子十八年爲中書令二十年

以本官攝吏部尙書明年晉銀青光祿大夫二十二

年正月九日

太宗本紀  
作庚寅

薨贈幽州都督卽以其年三

金石錄卷四十一  
三月詔陪葬昭陵高宗永徽二年加贈尚書右僕射高  
唐縣開國公二史叙次官爵略同唯八年加員外散  
騎侍郎則缺者也以治爲持避高宗諱改

關中金  
石記

按此碑共三十七行文約二千二百餘字前後數  
行漫滅中存二十九行下截復多剝蝕存者約七  
百字而成句可讀者亦無多也兩唐書傳稱貞觀  
五年詔百官言得失周爲常何條二十餘事皆當  
世所切太宗怪問何以馬周對太宗卽召見詔直  
其門下省而不言其修起居注碑則有之且云超綜  
世國言虔司帝舉良直之道驟簡帝心此正起居注

之職也唐書百官志無直門下省之專員惟云隋始置起居舍人二員貞觀二年省起居舍人移其職於門下置起居郎二員掌起居注錄天子之言動法度以修記事之史蓋是時周初見太宗未及授官先令直門下省而任起居注之事則直省非門下之專員也持書侍御史舊唐書職官志後周爲司憲中大夫隋諱中改爲持書御史武德因之貞觀未避高宗名改持書御史爲中丞新書百官志注高宗改治書侍御史爲中丞以避帝名文獻通考云漢宣帝元鳳中感路溫舒尙德緩刑之言

季秋後請讖時帝幸宣室齋居而決事令侍御史  
二人持書持書御史起於此也魏晉以下歷代因  
之皆作持書別無治書之名卽高宗避諱是避嫌  
名改持書爲中丞非改治爲持也傳云貞觀十五  
年拜中書侍郎兼太子右庶子十八年遷中書令  
依舊兼太子右庶子碑則作左庶子與傳異也碑  
云正月九日薨於萬年縣之隆慶里第太宗紀二  
十二年正月庚寅馬周薨通鑑目錄是月壬午朔  
庚寅正九日宋敏求長安志唐京城朱雀街東第  
五街永嘉坊次南興慶坊注云本名隆慶明皇卽

位改興慶坊內東南隅有中書令馬周左僕射溫

國公蘇良嗣二宅是周第宅所在也碑云其子口

口朝散郎

下

舊書傳則云子載咸亨年累遷吏部

侍郎新傳云咸亨中爲司列少常伯與裴行儉分  
掌選事而皆不及其貞觀末之爲朝散郎也傳又  
稱周臨終索所陳事表草一帙手自焚之慨然曰

管晏彰君之過求身後名吾弗爲也碑云至是焚

之式符藏用卽此事也周陪葬昭陵按長安志昭

陵圖馬周墓在百城寺南李大亮墓之左姚士廉

墓之右碑無建立年月但有永徽二年贈爵之文

卽當繫於是年 文平以州以派將一軍餉積之文

我聞以風塵乃百無傳聞李太亮建之文換士顯

之左位蘇田四地再出以判蘇田劉文夏安志印

營長連行之處求長好洋音散出鴨云至景然

辨固調海案他則事失草一劫平自其之却然曰

掌數理商者不效其貞感末之露醉州順出將若

若順孫將王溫草中爲所依心常治與裝口劍衣

口時若振初者書商順云主雖海軍平累戰更滿

國公籍頁歸二字以思第字而高此對也其平口

初通與夢山內東南則存中書令張歸大對印



金石萃編卷四十八

賜進士出身 誥授光祿大夫刑部右侍郎加七級王昶撰

唐八

高士廉碑

碑連額高一丈四尺二寸廣五尺二分三十七行行  
八十一字正書額題大唐尚書右僕射司徒申文獻  
公瑩兆記十六字篆  
書在醴泉縣昭陵

大唐故開府儀同三司□□□□□□上柱國贈□□□

□□□□文獻公□□□□記

□□□□□□□□□□□□高陽縣開國公許

敬宗撰

金石錄卷四十一  
一  
□□府錄事參軍□趙模書

蓋聞高陽洪胄響振虞庭□□□□□□□□□□  
□□□粵□□獻公□公諱儉字士廉□□□□□□  
□□□□□靈命□河□壤咸樹懿□□玉□金寵隆  
磐石艷郁魯衛並□□□風□□□□□濟於皇  
謀亦旣昭于史冊此可略□言焉曾祖翻□□□□  
尉□黃鉞□尙書事□清河□□□□武□□□□  
□□□□□躬□擁樹□□□□密□英雄道濟□□  
實□宣力祖□尙書令太尉□□□□畿大都督太宰  
假黃鉞清河□武王□□□□□□□□□□□□

獨運  
懋績遺  
封域是以  
長  
義  
摛紳  
響被於雲  
史書休範  
烈  
於典冊  
父勸襲爵  
清河  
王改封樂  
北  
歸於  
禽喻  
炎漢  
宗  
興於郢  
容旣而  
臺覆構  
紫  
生  
八  
一門  
養素  
嘉懿  
德禮  
越箕  
微帝  
念  
良  
公  
厥  
之  
液  
之  
問學  
靡常  
師  
馳騁  
流  
因心  
而  
合  
翺翔  
六藝  
寓目  
以研  
幾





□□□□□□得□□□□□□襟若□□□□□

如投水故以潤色□造發潛機□□橫□□光贊□□

□德暉於樂善若斯而□□□會□伊始□□□□□

□□□□□太宗入備前□引爲右庶子俄而□□紫宸

□□□□□□□□□□□射之清賞□□□□

□□□□□□明儲舊邦之命惟□□□□□□卽

以其□進拜□□封義□郡公邑□□戶真□□□賦

□百戶豐貂縹禮發天□之榮曜桓珪分器□□□之

□□□□□勲□□□□□□皇溥俗解珮□□章華□

□勳□□□□□通夷□□帶□□之□地接蠻陬□□

□□之□變其流蕩必□仁□是□□公□安□廣高  
循五督府四十八州諸軍事□州大都督□□□□  
□□□□□□□□□□□□□□□□□□□□□□  
陽又命公□□州大都督府長史進位左光祿□□□  
□帝□居□□陽爲□□□□華錫趙□憲總其藩條  
□之□寄允□□舉旣而□□□□公□□□□□□  
□□□馳於劔棧開鬢設□□化□於□謳□□□國  
鳴絃□絕□心之□□□險□□復發□之□尋進封  
許國□□□尚書激濁揚清別□流之涇渭昇真黜僞  
區三端□□□□朝□□服野□□□□□□□□□□

茲盡□多士□□□□□詠又以□□之道義在澄源  
收實□宜□□□□□請□□□□□詔從焉於是  
□□□□發明優劣□量世系考正高卑不失錙銖等  
□衡於□□□□□□□□□□□定嘉□稱爲  
大唐□□□□□□卷  
詔頒四海  
帝疇

乃庸加□特進上柱國□改封申國公□□州刺史  
□□□如故□□□□繼世□□□□體國□義□  
□遵□□師□之□□□□□□□□□□□□□  
□□之□□□□□□□□□□□□□□□□□  
帝高其志竟  
不違之俄昇爲尙書右僕射□□□□□□□□□□





金石錄卷四十一  
禮□□斷□咸事□□□□案□□□机及□□優

□□□□儲□□□公□□井州□□勞發□□降

□□□□疾私庭□□京師□□畱□□中使絡驛

相望道路手詔紛綸慤慤旦夕從幸靈武益增□□□

□□□□帝□□□□□□□□□□□□□□□

□□□□天慈臨訣□死對□□□□□□□□□

懷□□□欲還宮輟膳悲不自勝□以貞觀廿一年正

□五日薨于正寢中使還□清□出宮□□□□□□□

□□□□□□□□□□不念□□□□司徒□□□勞

聖體馳謁道次□□事□□之方□

□□望廬□□□□乃命□進太子詹事英國公

勣□□贈司徒□□□□□□□□□□□□□□

□□□□□□獻公□□□□有□□及夫人鮮于

□□陪葬於□□□□班劍□□□□鼓吹凶事所

須□令官給卽以其年二月廿□□□□手九峻山之

南趾墓而不墳□□□□□□□□□□□□□□

□□□□□□之路□□□□□□□□太宗親御城樓

俯臨□□靈□滅□□□□□□□□□□□□□□

□□□勝□□□□勅□□□□許敬宗□□□□□□



□□□□其朱紫泊□□□在運物□相求□  
□□□鬱□□棟□鈞始□□爲□□□□□□  
□□□□□□□□□□於□□檢身能□利  
物斯□在□□□推恩乃□□□之化□□露之□  
沾通夷夏之情若條風□必□加以義方□□□□  
之觀高宅相外融追何□之□似於是□□□□□  
□□□□□公□私□□酌□模楷可謂□□□德國  
□人□者焉及稅駕東川撒懸西□□□太宗願瞻  
台耀想託□而□□□□雲臺□□□□□□□□  
□□□□□豐碑□□之□將□□□□密之痛爰象

之口口煥遠迫晏駕之口小口履口面承口恩旨刻  
肌刻骨悲口口之口口口口口口心口家聲之莫紀竊惟  
口陽口彩口口口口繼口口口口口口口口口口口口  
口斯義弗口口碑是用口琬口口口口瑩兆而已

碑側題記

記兩列一五行  
一七行正書

大唐會昌四年五月四日六代孫尚書右丞元裕口

口口口口口口口口口口口口口口口口口口口口口口

昭陵口口口口口口口瑩所口口口口口口口口口口口口

六代孫正議大夫行給事中上柱國渤海縣開國男

食邑三百戶賜紫金魚袋少逸口口口口不獲口口

口口口口附名題于碑側大唐會昌四年五月十五

日書詩非也山公不齊其解矣百題

右唐高士廉瑩兆碑記唐史及元和姓纂皆云士廉  
父名勵而北史作勸今此碑與北史合蓋唐史及姓  
纂轉寫誤爾碑許敬宗撰趙模書模字畫甚工蓋貞  
觀中太宗命臨蘭亭序者金石錄

碑僅存三百餘字稱公諱儉字士廉則公亦以字行  
但房公名喬字元齡以字行而碑曰諱元齡字喬歐  
陽公嘗以爲疑云新唐書房元齡字喬以高公瑩兆

金石錄卷四十一  
記觀則喬果爲字乎此似未見房公碑者趙模在貞  
觀中以書名嘗與諸葛貞臨蘭亭刻石者此書方整  
秀逸大類歐虞惜不全見碑側題字數行亦半泐其  
一云元裕其一云少逸按唐史稱元裕少逸相代兄  
弟迭處禁中又曰會昌中少逸爲給事中然則此正  
兄弟相代時也而史不書少逸封爵且又不言二人  
爲士廉後唐世重氏族豈其譜逸耶二人立朝亦非  
沒沒者非此幾令申公不得有其孫矣

石墨  
鐫華

右高士廉瑩兆記止存上二尺許可拓者額篆書云  
尚書右僕射司徒申文獻公瑩兆記蓋陪葬昭陵稱



碑者甚多此獨異也新史封許國公此云申文獻者  
加封之國與謚也舊書前云封許國後云太子令日  
攝太傅中國公與碑合士廉名儉以字行畫像凌烟  
閣撰文思博要一千二百卷上之皆爲新史遺

金石後錄

趙模書世不多見予得此紙碑本不全而又多磨泐

可識者纔七十餘字耳

鐵函齋書跋

此碑殘缺難讀其云大都督太宰假黃鉞清河昭武  
王者乃其祖嶽也舊唐書以爲太尉不言其謚又云  
父勤襲爵清河王改封樂安舊書勸作勵當以碑爲  
正云于九嶼山之南趾墓而不墳今碑在醴泉縣之

劉洞村當卽其地也集古錄以爲貞觀二十二年立  
許敬宗撰文趙模書丹案碑稱文皇帝又云太宗廟  
庭考士廉配享在高宗卽位之初然則此碑之立亦  
在其時不得言貞觀明甚

抱經堂文集

按此碑文凡二千六百餘字石墨鐫華云僅存三  
百餘字鐵函齋書跋云可識者僅七十餘字雍州  
金石記云存二百餘字今此文存者得一千二百  
餘字幾及全碑之半文但有序而無銘詞墓記之  
體如是然不曰神道碑而曰瑩兆記是又一例也

撰文者許敬宗但存其爵曰高陽縣開國公書碑

者趙模但存其官府錄事參軍趙模無傳可攷新  
唐書許敬宗傳太宗朝敬宗以修史勞封高陽縣  
男高宗卽位將立武昭儀敬宗陰揣帝私妄言於  
帝得所欲詔敬宗待詔武德殿西闈頃拜侍中監  
修國史爵郡公高宗本紀永徽六年十月己酉廢  
皇后爲庶人乙卯立宸妃武氏爲皇后据敬宗以  
廢立事得進爵郡公則立碑當在永徽六年矣但  
傳稱敬宗爵郡公碑題作縣公爲異耳似係貞觀  
廿一年葬而永徽六年立碑也文云高陽洪胄響  
振虞庭謂高陽氏才子八人謂之八元舜舉之使

布五教於四方者也然宰相世系表謂高氏出自  
姜姓則非系出高陽矣碑又云公諱儉字士廉舊  
唐書傳稱高儉字士廉目錄直云高士廉新書傳  
云以字顯獨宰相世系表則云宗儉字士廉相太  
宗爲異碑又云曾祖翻清河口祖口清河口武王  
父勸襲爵清河王改封樂口口北齊書清河王岳  
傳岳字洪略高祖從父弟也父翻字飛雀魏朝贈  
太尉諡孝宣公岳仕顯祖朝進封清河郡王薨贈  
使持節都督冀定滄瀛趙幽濟七州諸軍太宰太  
傅定州刺史假黃鉞諡曰昭武子勦字敬德以清

河地在畿內改封樂安王轉侍中尙書右僕射齊  
亡入周授開府隋朝歷揚楚光洮四州刺史舊唐  
書高儉傳儉曾祖飛雀後魏贈太尉祖嶽北齊侍  
中左僕射太尉清河王父勵北齊樂安王尙書左  
僕射隋洮州刺史新書傳儉齊清河王岳之孫父  
勵樂安王入隋官洮州刺史唐書宰相世系表則  
云翻字飛雀後魏侍御中散孝宣公子岳字洪略  
北齊太保清河昭武王子勣字敬德隋洮州刺史  
樂安侯諸書詳略互異又如此士廉之父諱兩唐  
書皆作勵惟北齊書作勣與碑同說文勣勉力也

莫話切勵勉力也力制切是二字音異而義則同  
唐時或通用否則轉寫誤也碑載士廉陞官多缺  
略當取新舊唐書本傳參校可補碑之缺碑缺士  
廉春秋若干舊書傳云年七十二新書作七十一  
爲不同則未知孰是也碑云九嶠山南趾墓而不  
墳九嶠山在馮翊谷口前漢地理志注在醴泉界  
禮檀弓古者墓而不墳注土之高者曰墳揚子方  
言凡葬無墳謂之墓有墳謂之塋故檀弓云墓而  
不墳蓋平曰墓封曰冢高曰墳碑云墓而不墳者  
謂其不高也然額仍題塋兆記想墳與塋可通稱

漢碑書錙銖作錯銖別體字碑劉題記者六代孫  
尚書右丞元祐又六代孫正議大夫行給事中上  
柱國渤海縣開國男食邑三百戶賜紫金魚袋少  
逸据宰相世系表則少逸見兄官工部尚書其封  
渤海縣男者乃少逸之弟元裕字景圭初名允中  
官吏部尚書與碑不同其題記在曾昌四年距葬  
後一百九十八年矣

禿碑

碑連額高一丈六寸廣四尺八分二釐八行行六十五字隸書額題大唐禿碑之碑之字在禿碑縣

西峪

府君諱亮字□□□南陽蠻人地靈鳥□□白晝表慶

□□□□□□□□□□<sub>下</sub>□□□□□□□□□□臣佐非常

德卽府君十壹代祖安東將軍馬州都督嗣內侯□

□□□□□□□□□□道可經□□仁靈教文式不

墜英風自遠屬胡兵入洛音馬浮江爰及宋齊□□□

□□□□□□□□□□<sub>下</sub>□□□□□□□□□□中齊東陽太守復爲侍

中遷吏部尙書贈太常卿謚貞子門庭清簡少懷雅□

□□□□□□□□□□<sub>下</sub>□□□□□□□□□□蒙梁儀同廬陵

東閣祭酒太子□舍人東朝沃誥上邱披襟韜□□□

□□□□□□□□□□<sub>下</sub>□□□□□□□□□□政霞綺敷□動名教於搢紳





屈而風槩弥竦

□□自天縱聖神武遐□□□□

□□之□

關下

□□之□□□入幕之賓武德元年延爲

文學太公之逢西伯高步天師鄧禹之赴蕭王□□□

□□□□

關下

□□□□□□輪山川形勝乃託賞

風雲□恩眇賜詩有同枚叔上書諫獵尤□馬卿□□

□□□□

關下

太宗監國光啓震維必□正八務從國本改

授中允貞觀元年封陽翟縣男□□□□□□□□

關下

□食邑七百戶及年登月制休老于家鸞蓋成陰桓春

卿之寵錫芳珍狎至石大夫之□□□□□□□□

關下

□□寢疾而薨

太宗爲之廢朝悼深流涕

中使相望存問不絕□□□□魏□□下□□□□園

祕器葬事所須並宜官給儀仗鼓吹送至墓所夫人柳

氏亦同安厝□慕無□□□□下□□□□老莊之

齊致同李郭之清塵言行無爽於庭蘭忠慎有踰於温

樹洞握河之□簡□□□之□□下□□□□策名侍

近時逢靜亂早擅文房預衆帷幄恭承嘉眄乃畱情於

啓沃咨□□□□□□□□下□□□□秋□□□□□

之際遠諧清放之前所製文集撰成廿卷咸爲□□詔

侍奉述作陳□流詠□□□□下□□子□□□普州長

史襲封陽翟侯遂賢撫瞻霜露永懷凶極歲月緜遠淒

涼荒塋□□□□□□□□□□下□□□□□□式刊貞石取

爲銘曰

鬱映遙源曾華胄緒慕祿承業昭鉤析字粵自恭公祚

流子緒德□□□□□□□□□□下□□□□□□聲珪璋

遂襲燮佐光才家崇晉去國喪陳來語默雖切榮名詎

摧一□□□□□□□□□□下□□□□□□名揚青蓋象屯金

陵氣竭利在攸往誕生聰哲二陸道存三張譽折□□

□□□□□□□□□□下□□□□□□府門庭雅素意緒薰華賦

樓光□文閣生霞琴延夕月酒汎晨花□□□壽□□

□家□□□□□□□□□□下□□□□□□譽無虧綜冠蓬□義□□□

神理凝絢清文挺秀蔚郁才林超揚詞囿□□□□

□<sub>下</sub>  
闕

右唐褚亮碑唐書云亮杭州錢塘人而碑云晉南遷家於丹陽按元和姓纂自有錢塘褚氏與亮族不同

系唐史蓋失之

金錄

亮遂良父也由陳入隋由隋入唐八十八卒碑已殘闕不可詳攷分隸與馬司碑如出一手疑亦殷仲容書遂良能書非仲容輩恐不得汙其父碑也

石墨  
鐫華

碑已殘剝分隸精工之甚唐石之最佳者字與馬周碑相類馬碑金石錄謂爲殷仲容書則此碑知爲仲

容無疑也仲容盛負書名河南公育舍之他求平

庚子

銷夏記

金石文字記云高宗時立林吉人蘭話堂碑目註貞觀年殷仲容書按亮雖卒於太宗時而碑云無瞻霜露未懷凶極歲日緜遠則建碑刻銘必非彼時之事林云貞觀但據所終之時而言蓋未詳攷也顧云高宗時必別有所據崇禎十一年苟好善修醴泉縣志載昭陵諸碑謂其字尚有存者僅二十一碑而褚亮碑不在其內今視拓本尚存五百餘字較高士廉豆盧寬諸碑不啻過之不知前人何以獨遺不錄也

金石存

按額云大唐穉卿之碑褚字从衣从耂而此篆从禾  
从𠂔从甘考者上从束既與耂老不同下从白音又

與甘不同唐人六書之疏如此

醴泉縣志

碑已磨泐多不能讀僅存四百餘字

雍州金石記

碑無年號因其卒于貞觀時故附置於此

關中金石記

右贈太常卿褚亮碑凡廿八行下截已失每行僅存

廿一字其篆額云大唐褚卿之碑與他碑式異褚字

左从禾右从老省蓋不通六書者所作也亮卒於貞

觀廿一年十月碑之立在高宗朝其時遂良已得罪

貶死故祇述龔封陽翟侯遂賢一人

潛研堂金石文政尾集

按此碑雖殘闕存者尙幾八百字諸家所見或云五百餘字或云四百餘字或云二百四十五字似皆非全搨卽潛研堂跋云碑廿八行每行僅存廿一字今搨凡廿六行行存廿七八字彼此亦不同也碑云府君諱亮字口口口南陽翟人也唐書褚亮傳亮字希明杭州錢塘人金石錄謂亮杭州錢塘人而碑云晉南遷家于丹陽元和姓纂自有錢塘褚氏與亮族不同系唐史蓋失之今碑已泐去晉南遷家于丹陽一語唐書宰相世系表元成間



有褚先生少孫裔孫重始居河南陽翟裔孫碧字  
武良晉安東將軍始徙丹楊舊唐書亮傳則云杭  
州錢塘人其先自陽翟徙居焉不云徙自丹楊亦  
不詳徙自何人然亮之先世自高祖以下歷仕齊  
梁陳隋諸朝碑略可見則自丹陽徙錢塘必在高  
曾之世矣而碑仍稱陽翟者存其舊貫也錢塘褚  
氏之見于史傳者在晉則有褚陶在齊則有褚伯  
玉在梁則有褚修皆不與亮同系然亮與遂良舊  
宅實在錢塘咸淳寧安志皇城圖城東有褚氏舊  
宅卽亮居也今名其地曰褚家塘其居今爲昭忠

祠里曰忠清屬仁和萬歷杭州府志稱其祠爲遂  
良故居實卽亮居也別有在臨平山下者乃褚无  
量故宅太平寰宇記无量家近臨平湖者是也此  
亦與亮不同系餘如褚陶諸公則故蹟無攷矣碑  
云府君十一代祖安東將軍揚州都督關內侯而  
闕其名宰相世系表乃始居陽翟之裔孫招也碑  
云齊東陽太守復爲侍中遷吏部尙書贈太常卿  
謚貞子而闕其名宰相世系表炫字彥緒齊安成  
王師謚曰貞乃亮之高祖也南齊書炫傳歷官與  
碑同其守東陽在建元初其遷吏部尙書在未明

元年由吏部改授散騎常侍領安成王師世系表  
從略但載其所終之官而碑舉其大故亦不書安  
成王師也碑云蒙梁儀同廬陵口東閣祭酒太子  
口舍人此上闕泐三十餘字當是叙亮之曾祖也  
舊唐書稱曾祖湮梁御史李丞新唐書稱曾祖湮  
父玠有名梁陳閒宰相世系表則炫子漢梁御史  
中丞中書侍郎南史褚裕之傳則云炫子灑字士  
洋仕梁爲曲阿令歷晉安王中錄事正員郎烏程  
令還爲太尉屬延陵令中書侍郎太子率更令御  
史中丞湘東王府諮議參軍三書所載其名不同

如此惜碑文不存無從定其孰是矣蒙爲亮之祖  
南史云位太子舍人唐書云太子中舍人碑於  
舍人上闕一字當卽古字隋書百官志太子有中  
舍人四人舍人十六隋制大率兼采梁陳之舊  
則有中字者爲確宰相世系表亦但作太子舍人  
且以其名爲象則更誤矣碑文此下又泐三十餘  
字當是叙亮之父玠舊唐書亮傳父玠陳秘書監  
新書傳不著其官宰相世系表則云玠字溫理陳  
御史中丞掌東宮管記南史玠傳陳天嘉中兼通  
直散騎常侍遷中書侍郎除山陰令累遷御史中

東宮學士遷太常博士貶西海司戶後爲薛舉黃  
門侍郎秦王授王疇文學貞觀中累遷散騎常侍  
封陽翟侯舊書傳前段同惟貞觀九年爲宏文館  
學士九年進授員外散騎常侍封陽翟縣男拜通  
直散騎常侍學士如故十六年進爵爲侯食邑七  
百戶較新書爲詳而尤足補渾之闕也碑闕蕞浙  
年月傳亦不詳太宗本紀貞觀二十一年十月癸  
丑褚遂良罷二十二年二月起復所書遂良進  
書門侍郎參知朝政會父喪免起復爲中書令舊  
書傳二十一年以本官檢校大理卿尋受免解

明年起復舊職俄拜中書令据此則亮之薨在貞  
觀二十一年十月癸丑也而其陪葬昭陵當卽在  
二十二年二月以前碑云所製文集撰成廿卷與  
唐書藝文志合又云普州長史襲封陽翟侯遂賢  
宰相世系表長子遂賢都王友襲侯考高祖太宗  
諸王未有謂都王者碑又云撫瞻霜露永懷罔  
極歲月緜遠淒涼荒壟玩其語氣自在遂良卒後  
二歲追削官爵子孫配流愛州及宏道元年二月  
高宗嘗謂放還本郡之時距亮薨已三十七年也  
碑文前云元鳥口口白狼表慶銘詞又云纂謀承

業昭鉤析宇粵自恭公祚流子褚抱經堂集謂纂  
祿二語不得其解按宰相世系表褚氏出自子姓  
宋共公子段字子食采于褚其德可師號曰褚  
師生公孫肥子子食則褚乃子姓商之後也史  
記宋世家其公子食文子食瑕其公子食采事無  
攷史世家作共公五行志作恭公與碑同詩天命  
元鳥降而生商禮月令鄭注高辛氏之世元鳥遺  
卵娥簡吞之而生契宋書符瑞志湯在亳能修其  
德有人牽白狼銜鉤而入商朝碑蓋皆爲褚姓推  
原其出于宋而肇祥於商也額題大唐褚鄉之碑

却與他額異例推揣其故亦因去世荒遠恩澤  
替立墓碑不欲繁稱但以一卿字該其官位而  
以褚字表其姓而已蓋褚卿猶言褚公也



建寧縣志卷之十八  
金石錄卷之十八  
建寧縣志卷之十八  
金石錄卷之十八

以取字表其初而曰益亦味其自新公也

停立其躬不為深可取以一字其其官也

金石錄卷之十八





